

日知錄集釋

日知錄集釋卷一

崑山顧炎武著

嘉定後學黃汝成集釋

三易

夫子言包義氏始畫八卦不言作易而曰易之興也其於
中古乎又曰易之興也其當殷之末世周之盛德邪當文
王與紂之事邪是文王所作之辭始名爲易而周官大卜
掌三易之法一曰連山二曰歸藏三曰周易連山歸藏非
易也而云三易者後人因易之名以名之也雷氏曰伏義
畫卦自兩儀
生四象而四時之序已著自四象生八卦而萬物之理悉
函自八卦重之相錯相盪陽動而進左旋而位于西北陰
動而退右轉而位于西南于是震兌正于東西坎離正于
南北而四時首春帝出乎震之象以立又以乾元用九消
息之而十二辟卦之象以成六十四卦之象以著伏義氏
之所以爲易者也連山者神農氏之易也神農詳于地辨

土性藝五穀嘗百藥鑿井出泉立市通貨故其易用伏羲八卦之動象以艮爲首艮者止也止乃行之首以時行爲義由體達用之象也艮本陽卦其象爲山位在東北立春斗建之所在也山托于地而親上能出雲氣和洽天地且二山相襲故曰連山歸藏黃帝杜子春之說不可易蓋黃帝之治詳于人作調歷以授時作杵臼以前用作舟車以致遠作弧矢以取威作衣冠宮室以庇身作禮樂書契以立教上古朴野之俗至此而變後世文明之象自此而開易象曰后以裁成天地之道輔相天地之宜以左右民卽謂此矣其後五帝之治皆因于此故伏羲爲天皇神農爲地皇黃帝爲人皇此卽周官書之所謂三皇矣黃帝在位百年功成之後深求道極默契本原于羲農之易皆反而歸之得其初象知陽氣之所以能生實原于此于是以坤爲首以陰爲主以靜爲道以柔爲用所以明體也

之墨子書言周之春秋燕之春秋宋之春秋齊之春秋周燕齊宋之史非必皆春秋也而云春秋者因魯史之名以名之也

汝成案雷氏用杜子春之說以歸藏爲黃帝易似矣然禮運孔子曰我欲觀夏道得坤乾焉注以爲殷時陰陽之書卽歸藏易而鄭司農贊易亦以爲歸藏殷易釋其義曰歸藏者萬物莫不歸藏于中爻曰連山連山

者象山之出雲連山不絕周易者言易道周普无所不備與杜子春說不同大抵世代荒遠莫可稽考後人徒從推測得之亦各存其說而已

左傳僖十五年戰於韓卜徒父筮之曰吉其卦遇蠱曰千乘三去三去之餘獲其雄狐成十六年戰於鄢陵公筮之史曰吉其卦遇復曰南國蹇射其元王中厥目此皆不用周易而別有引據之辭卽所謂三易之法也（原注）下徒父此猶周官而傳不言易（楊氏曰）其用周易處必出周易之之大卜而傳不言易（楊氏曰）其用周易處必出周易之易有之類

重卦不始文王

大卜掌三易之法其經卦皆八其別皆六十有四攷之左傳襄公九年穆姜遷於東宮筮之遇艮之隨姜曰是於周

易曰隨元亨利貞无咎獨言是於周易則知夏商皆有此卦而重八卦爲六十四者不始於文王矣（梁氏曰）周本紀及世表皆言文王益卦其實非孔氏易正義論重卦之說王弼以爲伏羲以繫辭攷之弼言爲當十二卦體已具于義農黃帝堯舜之世以洪範攷之其七卜筮貞卦已見于禹錫九疇之時則可知爲伏羲因重之驗

朱子周易本義

周易自伏羲畫卦文王作彖辭周公作爻辭謂之經經分上下二篇孔子作十翼謂之傳傳分十篇彖傳上下二篇象傳上下二篇繫辭傳上下二篇文言說卦傳序卦傳雜卦傳各一篇（原注）漢書藝文志易經十二篇師古曰上下經及十翼故十二篇孔氏正義曰十翼者上象一下象二上象三下象四上繫五下繫六文言七說卦八序卦九雜卦十陸德明釋文曰太史公論六家要旨引天下同歸而殊塗一致而百慮謂之易大傳班固謂孔子晚而好易讀之韋編三絕而爲之傳傳卽十翼也前漢

六經與傳皆別行至後漢諸儒始合經傳為一自漢以來為費直鄭元王弼所亂

取孔子之言逐條附於卦爻之下

莊氏曰朱子發漢上易傳云王弼以文言附于

乾坤二卦孔氏正義云輔嗣之意以為象本釋經宜相附近其義易了故分爻之象辭各附其當爻下言之按此則費氏古經自是經傳相別其謂費氏始亂經者妄也合象象于經者自康成始則加象曰象曰之文猶以傳附經後若今乾卦者是是為鄭氏本全以象附爻而以象移置爻前自輔嗣始則每爻加象曰之文若今坤卦以下者是又以文言附乾坤二卦于坤亦程正叔傳因之及朱元晦加文言曰之文是為王氏本

本義始依古文故於周易上經條下云中閒頗為諸儒所

亂近世晁氏始正其失而未能盡合古文呂氏又更定著

為經二卷傳十卷乃復孔氏之舊云洪武初頒五經天下

儒學而易兼用程朱二氏亦各自為書永樂中修大全乃

取朱子卷次割裂附之程傳之後

原注易經大全凡例曰程傳本義既已並行而

諸家定本又各不同故今定從程傳元本而本義仍以類從而朱子所定之古文仍復

殺亂彖即文王所繫之辭傳者孔子所以釋經之辭也後

凡言傳放此此乃彖上傳條下義今乃削彖上傳三字而

附於大哉乾元之下象者卦之上下兩象及兩象之六爻

周公所繫之辭也乃彖上傳條下義今乃削彖上傳三字

而附於天行健之下此篇申彖傳象傳之意以盡乾坤二

卦之蘊而餘卦之說因可以例推云乃文言條下義今乃

削文言二字而附於元者善之長也之下其彖曰彖曰文

言曰字皆朱子本所無復依程傳添入後來士子厭程傳

之多棄去不讀專用本義原注因治三年會試物不可以苟合而已故受之以賁題陳輔

文同考官楊守阯批曰序卦朱子無一言以釋其義蓋以程子於諸卦之首疏析其義已明且盡故也今治經者專

讀本義易卷踰八百而知有傳者不數人此能知之而大而又善作是用錄之以激厲經生之不讀程傳者

全之本乃朝廷所頒不敢輒改遂即監版傳義之本刊去

程傳而以程之次序為朱之次序（原注）虛齋蔡清易經蒙

經本義今四書版本每張十八行每行十七字而注皆

而本義皆作大字與各經不同明為後來所刻是依監版

傳義本而刊去程傳凡本義中言程傳備矣者又添一傳

曰而引其文皆今代人所為也坊刻擅改古書宜有嚴

禁是學臣之責朱子詩集傳序蔡仲默書集傳序今南京

刊大全本改曰詩經大全序書經大全序此即相傳且二

亂刻古書之一驗幸監本尚存其謬亦易見爾

百年矣惜乎朱子定正之書竟不得見於世豈非此經之

不幸也夫（改）成按今御纂周易折中已復朱子之舊矣

朱子記嵩山晁氏卦爻象象說謂古經始變於費氏而卒

大亂於王弼此據孔氏正義曰夫子所作象辭元在六爻

經辭之後以自卑退不敢干亂先聖正經之辭王輔嗣之意以爲象者本釋經文宜相附近其義易了故分爻之象辭各附其當爻下如杜元凱注左傳分經之年與傳相附故謂連合經傳始於輔嗣不知其實本於康成也魏志高貴鄉公幸太學問博士淳于俊曰孔子作彖象鄭元作注其釋經義一也今彖象不與經文相連而注連之何也俊對曰鄭元合彖象於經者欲使學者尋省易了也帝曰若合之於學誠便則孔子曷爲不合以了學者乎俊對曰孔子恐其與文王相亂是以不合此聖人以不合爲謙帝曰若聖人以不合爲謙則鄭元何獨不謙邪俊對曰古義因漢聖問奧遠非臣所能詳盡是則康成之書已先合之不

自輔嗣始矣乃漢書儒林傳云費直治易無章句徒以彖
象繫辭文言解說上下經則以傳附經又不自康成始朱
子記晁氏說謂初亂古制時猶若今之乾卦蓋自坤以下
皆依此後人又散之各爻之下而獨存乾一卦以見舊本
相傳之樣式耳愚嘗以其說推之今乾卦彖曰爲一條象
曰爲一條疑此費直所附之元本也坤卦以小象散於各
爻之下其爲象曰者八餘卦則爲象曰者七此鄭元所連
高貴鄉公所見之本也

楊氏曰玩魏主問辭止是康成注連合一處耳非并經連之者古者

注亦單行

程傳雖用輔嗣本亦言其非古易咸九三咸其股亦不處
也傳曰云亦者蓋象辭本不與易相比自作一處故諸爻

之象辭意有相續者此言亦者承上爻辭也

原注小畜九二率復在中

亦不自失也本義曰亦者承上爻義

秦以焚書而五經亡本朝以取士而五經亡今之爲科舉之學者大率皆帖括熟爛之言不能通知大義者也而易春秋尤爲繆盩以彖傳合大象以大象合爻以爻合小象二必臣五必君陰卦必云小人陽卦必云君子於是此一經者爲拾漚之書而易亡矣取胡氏傳一句兩句爲旨而以經事之相類者合以爲題傳爲主經爲客有以彼經證此經之題有用彼經而隱此經之題於是此一經者爲射覆之書而春秋亡矣

原注天順三年九月甲辰浙江温州府永嘉縣儒學教諭雍懋懋言此者浙江鄉試春秋摘一十六段配作一題頭結太多及所錄程文乃太簡略而不統貫且春秋爲經屬詞此事變例無窮

考官出題往往棄經任傳甚至參以己意
名雖經題實則射覆乞教禁止上從之復程朱之書以

存易

原注當各
自爲本

備三傳啖趙諸家之說以存春秋必有待

於後之興文教者

卦爻外無別象

聖人設卦觀象而繫之辭若文王周公是已夫子作傳傳
中更無別象其所言卦之本象若天地雷風水火山澤之
外惟頤中有物本之卦名有飛鳥之象本之卦辭而夫子
未嘗增設一象也苟爽虞翻之徒穿鑿附會象外生象以
同聲相應爲震巽同氣相求爲艮兌水流濕火就燥爲坎
離雲從龍則曰乾爲龍風從虎則曰坤爲虎十翼之中無
語不求其象而易之大指荒矣豈知聖人立言取譬固與

後之文人同其體例何嘗屑屑於象哉王弼之注雖涉於

元虛然已一掃易學之榛蕪而開之大路矣原注王輔嗣略例曰互體

不足遂及卦變變又不足推不有程子大義何由而明乎

致五行失其原巧喻彌甚

攸成案說卦別象漢時尤多今約其數乾八十二坤一百

十三震五十八巽四十五坎七十五離三十艮五十三兌

十八雖皆穿鑿滋生然易理闕深

曲包道藝觀象玩占義或有取爾

易之互體卦變詩之叶韻春秋之例月日經說之繚繞破

碎於俗儒者多矣文中子曰九師興而易道微三傳作而

春秋散

卦變

卦變之說不始於孔子周公繫損之六三已言之矣曰三

人行則損一人一人行則得其友是六子之變皆出於乾

坤無所謂自復姤臨遯而來者當從程傳原注蘇軾王炎皆同此說江氏曰彖傳有言剛柔往來上下者虞翻謂之卦變本義謂自某卦而來者其法以相連之兩爻上下相易取之似未安今考文王之易以反對為次序則所謂往來上下者即取切近相反之卦非別取諸他卦也往來之義莫明于泰否二卦彖辭否反為泰三陰往居外三陽來居內故曰小往大來泰反為否三陽往居外三陰來居內故曰大往小來彖傳所謂剛來柔來者本此楊氏曰王雙溪之經說今皆不可得

互體

凡卦爻二至四三至五兩體交互各成一卦先儒謂之互體其說已見於左氏莊公二十二年陳侯筮遇觀之否曰風為天於土上山也注自二至四有艮象原注四艮為山爻變故是也然夫子未嘗及之後人以雜物撰德之語當之非也其所論二與四三與五同功而異位特就兩爻相較言之

初何嘗有互體之說

晉書荀顗嘗難鍾會易無互體見稱於世其文不傳新安

王炎晦叔嘗問張南軒曰伊川令學者先看王輔嗣胡翼

之王介甫三家易何也南軒曰三家不論互體故爾

全氏曰漢

晉諸儒無不言互體者至王輔嗣鍾士季始力排之然亦終不能細也特是漢儒言互祇就一卦一爻配象未能揆其所以然至王伯厚作鄭康成易注序始發之謂八卦之中乾坤純乎陰陽故無互體若震巽艮兌分主四時而坎離居中以運之是以下互震而上互艮者坎也下互巽而上互兌者離也若震巽分乾坤之下畫則上互有坎離兌分乾坤之上畫則下互有坎離而震艮又自相互巽兌又自相互斯陰陽老少之交相資也愚再以十辟卦推之五陽辟以震兌與乾坤合而成五陰辟以巽艮與乾坤合而成乃夫婦近乎純乾剝復近乎純坤故無互體而艮兌之合乾坤也為臨為遯則下互有震巽震巽之合乾坤也為大壯為觀則上互有艮兌至坤乾合而為泰則下互兌而上互震坤乾合而為否則下互艮而上互巽坎離于十辟卦雖不預而以既未濟自相互是陰陽消長之迭為用

也蓋伯厚入卦之旨卽中央寄王之義也愚所推十辟卦之旨卽六律還宮之義也是以朱子晚年謂從左氏悟得互體而服漢儒之善于說經者有自來矣

朱子本義不取互體之說惟大壯六五云卦體似兌有羊象焉不言互而言似似者合兩爻爲一爻則似之也原注又謂是伏得離卦然此又邇先儒所未有不如言互體矣大壯自三至五成兌兌爲羊故爻辭並言羊

六爻言位

易傳中言位者有二義列貴賤者存乎位五爲君位二三四爲臣位故皆曰同功而異位而初上爲無位之爻譬之於人初爲未仕之人上則隱淪之士皆不爲臣也原注明夷上六爲失位之君乃其變例其但取初終之義者亦不盡拘故乾之上曰貴而无位需之

上曰不當位原注王弼注需上六曰處无位之地不當位者也程子傳亦云此爵位之位非陰陽之位楊氏曰朱子以爲未詳似不取伊川之說若以一卦之體言之則皆謂之位故曰六位時成曰易六位而成章是則卦爻之位非取象於人之位矣此意已見於王弼略例但必強彼合此而謂初上無陰陽定位則不可通矣記曰夫言豈一端而已夫各有所當也

九二君德

爲人臣者必先具有人君之德而後可以堯舜其君故伊尹之言曰惟尹躬暨湯咸有一德武王之誓亦曰予有亂臣十人同心同德

師出以律

以湯武之仁義爲心以桓文之節制爲用斯之謂律律卽卦辭之所謂貞也論語言子之所慎者戰長勺以詐而敗齊泓以不禽二毛而敗於楚春秋皆不予之故先爲不可勝以待敵之可勝雖三王之兵未有易此者也楊氏曰湯亦有法度非僅以其仁義也配入桓文非能擇言者

旣雨旣處

陰陽之義莫著於夫婦故爻辭以此言之小畜之時求如任姒之賢二南之化不可得矣陰畜陽婦制夫其畜而不和猶可言也三之反目隋文帝之於獨孤后也旣和而惟其所爲不可言也上之旣雨猶高宗之於武后也楊氏曰猶當作唐

武人爲於大君

武人爲於大君非武人爲大君也如書予欲宣力四方汝爲之爲六三才弱志剛雖欲有爲而不克濟以之履虎有噬人之凶也惟武人之效力於其君其濟則君之靈也不濟則以死繼之是當勉爲之而不可避耳故有斷脰決腹一瞑而萬世不視不知所益以憂社稷者莫敖大心是也

原注戰國策

過涉之凶其何咎哉

自邑告命

人主所居謂之邑詩曰商邑翼翼四方之極書曰惟尹躬先見於西邑夏曰惟臣附於大邑周曰作新大邑於東國洛曰肆予敢求爾於天邑商

原注武王之妃謂之邑姜

白虎通曰夏曰

夏邑商曰商邑周曰京師是也

原注周官始以四井爲邑

秦之上六政

教陵夷之後一人僅亦守府而號令不出於國門於是焉而用師則不可君子處此當守正以俟時而已桓王不知此也故一用師而祝聃之矢遂中王肩唐昭宗不知此也故一用師而邠岐之兵直犯闕下然則保秦者可不豫爲之計哉

易之言邑者皆內治之事夬曰告自邑如康王之命畢公彭善瘳惡樹之風聲者也晉之上九曰維用伐邑如王國之大夫大車檻檻毳衣如綦國人畏之而不敢奔者也其爲自治則同皆聖人之所取也

原注比之九五邑人不諶是亦內治修而遠人服之意

成有渝无咎

昔穆王欲肆其心周行天下將皆必有車轍馬迹焉祭公
謀父作祈招之詩以止王心王是以獲歿於祗宮傳曰人
誰無過過而能改善莫大焉聖人慮人之有過不能改之
於初且將遂其非而不反也教之以成有渝无咎雖其漸
染之深放肆之久而惕然自省猶可以不至於敗亡以視
夫迷復之凶不可同年而論矣故曰惟狂克念作聖汝成案訟
三心險渝卽就平豫上心昏渝卽頓
清平則遠於巖牆清則生於憂患

童觀

其在政教則不能是訓是行以近天子之光而所司者籩
豆之事其在學術則不能知類通達以幾大學之道而所

習者佔畢之文樂師辨乎聲詩故北面而弦宗祝辨乎宗廟之禮故後尸商祝辨乎喪禮故後主人小人則无咎也有大人之事有小人之事雖小道必有可觀者焉致遠恐泥故君子爲之則吝也

不遠復

復之初九動之初也自此以前喜怒哀樂之未發也至一陽之生而動矣故曰復其見天地之心乎顏子體此故有不善未嘗不知知之未嘗復行此慎獨之學也回之爲人也擇乎中庸夫亦擇之於斯而已是以不遷怒不貳過其在凡人則復之初九日夜之所息平旦之氣其好惡與人相近也者幾希苟其知之則擴而充之矣故曰復小而

辨於物

不耕穫不菑畲

楊氏曰

原注誠齋易傳

初九動之始六二動之繼是故初耕之二

穫之初菑之二畲之天下無不耕而穫不菑而畲者其曰
不耕不菑則耕且菑前人之所已爲也昔者周公蒞殷頑
民遷於洛邑密邇王室旣歷三紀世變風移而康王作畢
命之書曰惟周公克慎厥始惟君陳克和厥中惟公克成
厥終是故有周之治垂拱仰成而無所事矣周監於二代
郁郁乎文哉而孔子之聖但曰述而不作信而好古又曰
文武之道未墜於地是在人是故六經之業集羣聖之大成
而無所舛矣雖然使有始之作之者而無終之述之者是

耕而弗穫蓄而弗畬也其功爲弗竟矣六二之柔順中正
是能穫能畬者也故利有攸往也未富者因前人之爲而
不自多也猶不富以其鄰之意

天在山中

張湛注列子曰自地以上皆天也故曰天在山中

罔孚裕无咎

君子信而後諫未信則以爲謗己也而況初之居下位未
命於朝者乎孔子嘗爲委吏矣曰會計當而已矣嘗爲乘
田矣曰牛羊茁壯長而已矣此所謂裕无咎也若受君之
命而任其事有官守者不得其職則去有言責者不得其
言則去矣

汝成案憂則違之故豫二不終日貞吉樂則行
之故晉初罔孚裕无咎豫溺晏安晉麗乎明也

有孚於小人

君子之於小人也有知人則哲之明有去邪勿疑之斷堅如金石信如四時使儉王之類皆知上志之不可移豈有不革面而從君者乎所謂有孚於小人者如此

損其疾使遄有喜

損不善而從善者莫尚乎剛莫貴乎速初九曰已事遄往六四曰使遄有喜四之所以能遄者賴初之剛也周公思兼三王以施四事其有不合者仰而思之夜以繼日幸而得之坐以待旦子路有聞未之能行惟恐有聞其遄也至矣文王之勤日昃大禹之惜寸陰皆是道也君子進德修業欲及時也故爲政者玩歲而愒日則治不成爲學者日

邁而月征則身將老矣

汝成案肝豫則悔遲有悔損疾則使邁有喜荀子曰其爲人多暇日

者其出入不遠矣孟子曰知其非義斯速已矣何待來年

召公之戒成王曰宅新邑肆惟王其疾敬德疾之爲言邁之謂也故曰雞鳴而起孳孳爲善

上九弗損益之

有天下而欲厚民之生正民之德豈必自損以益人哉不違農時穀不可勝食也數罟不入洿池魚鼈不可勝食也斧斤以時入山林材木不可勝用也所謂弗損益之者也皇建其有極斂時五福用敷錫厥庶民詩曰奏格無言時靡有爭是故君子不賞而民勸不怒而民威於鈇鉞所謂弗損益之者也以天下爲一家中國爲一人其道在是矣

錢氏曰惠而不費則其惠可久其惠亦可大故曰弗損益之大得志也

利用爲依遷國

在無事之國而遷晉從韓獻子之言而遷於新田是也在有事之國而遷楚從子西之言而遷於都是也皆中行告公之益也

姤

天下之生久矣一治一亂盛治之極而亂萌焉此一陰遇五陽之卦也孔子之門四科十哲身通六藝者七十有二人於是刪詩書定禮樂贊周易修春秋盛矣而老莊之書卽出於其時後漢立辟雍養三老臨白虎論五經太學諸生至三萬人而三君八俊八顧八及八廚爲之稱首馬鄭

服何之注經術爲之大明而佛道之教卽興於其世

原注胡三

省曰道家雖宗老子而西漢以前未嘗以道士自名至東漢始有張道陵于吉等是道與佛教皆起於東漢之時

是知邪說之作與世升降聖人之所不能除也故曰繫于

金柅柔道牽也嗚呼豈獨君子小人之辨而已乎

汝成案姤遇也

不期而會曰遇初陽曰復意中之望也初陰曰姤意外之變也陽四始曰大壯陰一已曰女壯其詞危矣

包无魚

國猶水也民猶魚也幽王之詩曰魚在于沼亦匪克樂潛雖伏矣亦孔之昭憂心慘慘念國之爲虐秦始皇八年河魚大上五行志以爲魚陰類民之象也逆流而上言民不從君爲逆行也自人君有求多於物之心於是魚亂於下鳥亂於上而人情之所嚮必有起而收之者矣

以杞包瓜

汝成案瓜者外延云云司馬彪續漢書五行志文今日劉昭當是續漢二字之誤

劉昭五行志曰瓜者外延離本而實女子外屬之象一陰

在下如瓜之始生勢必延蔓而及於上五以陽剛居尊如

樹杞然

原注詩南山有杞陸璣曰杞山材也其樹如樗左傳所謂杞梓皮革

使之無所緣而

上故曰以杞包瓜孔子曰惟女子與小人爲難養也顰笑

有時恩澤有節器使有分而國之大防不可以踰何有外

戚宦官之禍乎

姚刑部曰以人君之道言之則以道率民以禮防民猶之植杞而事變無窮不曲而

爲之備是爲含章又曰古苞苴用諸魚肉程傳以釋包有魚是也恐未可以言諸瓜且杞葉非可爲苞者詩曰無踰我里無折我樹杞然則植杞以衛田里是爲苞焉耳沈明經曰惠氏以包有魚爲庖此爲鮑陳義雖古遜是閤深

已日

革已日乃孚六二已日乃革之朱子發讀爲戊己之己天

地之化過中則變日中則昃月盈則食故易之所貴者中
十干則戊己爲中至於己則過中而將變之時矣故受之
以庚庚者更也天下之事當過中而將變之時然後革而
人信之矣古人有以己爲變改之義者儀禮少牢饋食禮
日用丁己注內事用柔日必丁己者取其令名自丁甯自
變改皆爲謹敬而漢書律歷志亦謂理紀於己斂更於庚
是也原注納甲之法革下卦離納己王弼謂卽日不孚己日乃孚以己爲
已事遄往之已恐未然楊氏曰按白虎通云己者起也改
甲之說先生所斥乃欲以此破舊說徒好異耳漢人亦
無以此訓革彖者革是改命與幹蠱異非過中之謂也

改命吉

革之九四猶乾之九四諸侯而進乎天子湯武革命之爻

也故曰改命吉成湯放桀於南巢惟有慙德是有悔也天下信之其悔亡矣四海之內皆曰非富天下也爲匹夫匹婦復讎也故曰信志也

陸學博曰華而信之信不待華也若既華而信是未信而動矣

艮

母意母必母固母我艮其背不獲其身也富貴不能淫貧賤不能移威武不能屈行其庭不見其人也

艮其限

學者之患莫甚乎執一而不化及其施之於事有扞格而
不通則忿懣生而五情瞽亂與衆人之滑性而焚和者相
去蓋無幾也孔子惡果敢而窒者非獨處事也爲學亦然
告子不動心之學至於不得於言勿求於心而孟子以爲

其弊必將如厥趨者之反動其心此艮其限列其夤之說也君子之學不然廓然而大公物來而順應故聞一善言見一善行若決江河沛然莫之能禦而無熏心之厲矣

慈谿黃氏

原述

日鈔曰心者吾身之主宰所以治事而非

治於事惟隨事謹省則心自存不待治之而後齊一也孔子之教人曰居處恭執事敬與人忠曾子曰吾日三省吾身爲人謀而不忠乎與朋友交而不信乎傳不習乎不待言心而自貫通於動靜之間者也孟子不幸當人欲橫流之時始單出而爲求放心之說然其言曰君子以仁存心以禮存心則心有所主非虛空以治之也（錢氏曰孟子言求其放心而已矣不求學問而求放心此釋氏之學也）至於齋心服形之老莊一變

而爲坐脫立忘之禪學乃始瞑目靜坐日夜仇視其心而
禁治之及治之愈急而心愈亂則曰易伏猛獸難降寸心
嗚呼人之有心猶家之有主也反禁切之使不得有爲其
不能無擾者勢也而患心之難降歟

原注省齋記

又曰夫心之

說有二古人之所謂存心者存此心於當用之地也後世
之所謂存心者攝此心於空寂之境也造化流行無一息
不運人得之以爲心亦不容一息不運心豈空寂無用之
物哉世乃有游手浮食之徒株坐攝念亦曰存心而士大
夫溺於其言亦將遺落世事以獨求其所謂心迨其心迹
冰炭物我參商所謂老子之弊流爲申韓者一人之身已
兼備之而欲尤人之不我應得乎

原注山陰縣主簿廳記

此皆足以

發明厲熏心之義

原注詳又見第二十三卷心學條下乃周公已先繫之於

易矣

鴻漸于陸

上九鴻漸于陸其羽可用為儀吉安定胡氏改陸為達

原

龜氏曰其說出於毗陵從事范諤昌按宋史藝文志諤昌有證陸簡一卷朱子從之謂合韻非

也詩儀字凡十見

原注柏舟相鼠東山湛露菁菁者莪皆斯干賓之初筵既醉各一見抑二見皆

音牛何反不得與達為叶

江氏曰以韻讀之陸當作阿大陵曰阿九五為陵則上九為阿

阿儀相叶菁菁者莪是也

而雲路亦非可翔之地仍當作陸為是漸至

於陵而止矣不可以更進故反而之陸古之高士不臣天

子不友諸侯而未嘗不踐其土食其毛也其行高於人君

而其身則與一國之士偕焉而已此所以居九五之上而

與九三同為陸象也朱子發曰上所往進也所反亦進也
漸至九五極矣是以上反而之三楊廷秀曰九三下卦之
極上九上卦之極故皆曰陸自木自陵而復至於陸以退
為進也巽為進退其說並得之也姚刑部曰漸以進為德者
卦之終則窮矣可進矣故九三上九皆為鴻漸于陸失其
所而無所往之象也然九三凶上九吉者三居臣子之位
雖不得于君而義不可去叔肝子臧子家駒屈平之倫是
也上之位固處乎事外則吾進退豈不綽綽然有餘裕哉
雖然鴻居于水澤飲食游浮者古之常也若以其羽為儀
于用則尊而鴻死矣孔子曰其羽可用為儀天下雖亂而
吾之道不可亂也贊易述詩書禮樂
作春秋以遺後聖是為吉而已矣

君子以永終知敝

讀新臺桑中鶉奔之詩而知衛有狄滅之禍讀宛丘東門
月出之詩而察陳有徵舒之亂書齊侯送姜氏於謹而卜

桓公之所以薨書夫人姜氏入書大夫宗婦覲用幣而兆子般閔公之所以弑昏嫺之義男女之節君子可不慮其所終哉

鳥焚其巢

人主之德莫大乎下人楚莊王之圍鄒也而曰其君能下人必能信用其民矣故以禹之征苗而伯益贊之猶以滿招損謙受益爲戒班師者謙也用師者滿也上九處卦之上離之極所謂有鳥高飛亦傅於天者矣居心以矜而不聞諫爭之論菑必逮夫身者也魯昭公之伐季孫意如也請待於沂上以察罪弗許請囚於費弗許請以五乘亡弗許於是叔孫氏之甲興而陽州次乾侯唁矣鸛鵒鸛鵒往

歌來哭其此爻之占乎原注吳幼清曰此爻變為小過有飛鳥之象

巽在牀下

上九之巽在牀下恭而無禮則勞也初六之進退愼而無禮則憊也汝成案二之所處剛巽乎中正而志行者也史也盤庚遷殷反覆三誥始惕以天之斷命繼以乃祖乃父乃斷棄汝浮言胥動而不怒傲上從康而不誅所以吉无咎也故曰得中上九之巽在牀下則失其齊斧矣

翰音登于天

羽翰之音雖登于天而非實際其如莊周齊物之言騶衍怪迂之辯其高過於大學而無實者乎以視車服傳於弟子弦歌徧於魯中若鶴鳴而子和者孰誕孰信夫人而識之矣永嘉之亡太清之亂豈非談空空襲元元者有以致

之哉翰音登于天中孚之反也

汝成案豚魚之孚可以及

鳥道音不宜上宜下也
溝渚皆盈潤可立待矣

山上有雷小過

山之高峻雲雨時在其中閒而不能至其巔也故詩曰殷其雷在南山之側或高或下在山之側而不必至其巔所以爲小過也然則大壯言雷在天上何也曰自地以上皆天也

妣

爾雅父曰考母曰妣愚攷古人自祖母以上通謂之妣經文多以妣對祖而並言之若詩之云似續妣祖烝畀祖妣易之云過其祖遇其妣是也左傳昭十年邑姜晉之妣也

平公之去邑姜蓋二十世矣

原注儀禮士昏禮易帥以敬先妣之嗣蓋繼世主祭之通

辭過其祖遇其妣據文義妣當在祖之上不及其君遇其

臣臣則在君之下也昔人未論此義周人以姜嫄爲妣

原注

周禮大司樂注周人以后稷爲始祖而姜嫄無所配是以特立廟祭之謂之閼宮

周語謂之皇妣

太姜是以妣先乎祖周禮大司樂享先妣在享先祖之前

而斯干之詩曰似續妣祖箋曰妣先妣姜嫄也祖先祖也

或乃謂變文以協韻是不然矣

原注朱子本義以晉六或二爲享先妣之吉占

曰易爻何得及此夫帝乙歸妹箕子之明夷王用亨于岐

山爻辭屢言之矣

易本周易故多以周之事言之小畜卦辭密雲不雨自我

西郊本義我者文王自我也

東鄰

馭得其道則天下皆爲之臣馭失其道則彊而擅命者謂之鄰臣哉鄰哉臣哉

漢書郊祀志引此師古注東鄰謂商紂也西鄰謂周文王也雷氏曰鄭康成坊記注云東鄰謂紂國中也西鄰謂文王國中也班固通幽賦云東以虐而殲仁兮應劭注云東鄰謂紂顏師古注云以古鄰字是東漢時實有此說今道佚耳

游魂爲變

精氣爲物自無而有也游魂爲變自有而之無也夫子之荅宰我曰骨肉斃於下陰爲野土其氣發揚於上爲昭明焄蒿悽愴原注朱子曰昭明露光景也鄭氏曰焄謂香臭也蒿氣蒸出貌許氏曰悽愴使人慘慄感傷之意魯菴徐氏曰陽氣爲魂附於體貌而人生焉骨肉斃於下其氣無所附麗則發散飛揚於上或爲朗然昭明

之氣或為溫然蒿蒿之氣或為肅然悽愴
 之氣蓋陽氣輕清故升而上浮以從陽也所謂游魂為變
 者情狀具於是矣延陵季子之葬其子也曰骨肉歸復於
 土命也若魂氣則無不之也無不之也張子正蒙有云太
 虛不能無氣氣不能不聚而為萬物萬物不能不散而為
 太虛循是出入是皆不得已而然也然則聖人盡道其閒
 兼體而不累者存神其至矣其精矣乎

鬼者歸也張子曰氣之為物散入無形適得吾體此之謂
 歸

陳無已

原注師道

以游魂為變為輪迴之說

原注理究惠氏曰京房乾傳精粹氣

純是為游魂陸續注為陰極剝盡陽道不可盡滅故返陽
 道道不復本位為游魂先機菴易說曰碩果不食故有游
 魂
 呂仲木原注辨之曰長生而不化則人多世何以容長

死而不化則鬼亦多矣夫燈熄而然非前燈也雲霓而雨非前雨也死復有生豈前生邪

邵氏

原注

簡端錄曰聚而有體謂之物散而無形謂之變

唯物也故散必於其所聚唯變也故聚不必於其所散是故聚以氣聚散以氣散味於散者

陽氏曰味疑作味

其說也佛荒

於聚者其說也僊

盈天地之間者氣也氣之盛者爲神神者天地之氣而人之心也故曰視之而弗見聽之而弗聞體物而不可遺使天下之人齊明盛服以承祭祀洋洋乎如在其上如在其左右聖人所以知鬼神之情狀者如此

維嶽降神生甫及申非有所託而生也文王在上於昭于

天非有所乘而去也此鬼神之實而誠之不可揜也

通乎晝夜之道而知

日往月來月往日來一日之晝夜也寒往暑來暑往寒來
一歲之晝夜也小往大來大往小來一世之晝夜也子在
川上曰逝者如斯夫不舍晝夜通乎晝夜之道而知則終
日乾乾與時偕行而有以盡乎易之用矣楊氏曰此
慎獨之義
繼之者善也成之者性也

維天之命於穆不已繼之者善也天下雷行物與无妄成
之者性也是故天有四時春夏秋冬夏風雨霜露無非教也
地載神氣神氣風霆風霆流形庶物露生無非教也

天地絪縕萬物化醇善之爲言猶醇也曰何以謂之善也

曰誠者天之道也豈非善乎

形而下者謂之器

形而上者謂之道形而下者謂之器非器則道無所寓說在乎孔子之學琴於師襄也已習其數然後可以得其志已習其志然後可以得其爲人是雖孔子之天縱未嘗不求之象數也故其自言曰下學而上達

垂衣裳而天下治

垂衣裳而天下治變質而之文也自黃帝堯舜始也故於此有通變宜民之論

過此以往未之或知也

人之爲學亦有病於憧憧往來者故天下之不助苗長者

寡矣過此以往未之或知也居之安則資之深資之深則取之左右逢其原

困德之辨也

內文明而外柔順其文王之困而亨者乎不怨天不尤人下學而上達其孔子之困而亨者乎故在陳之厄絃歌之志顏淵知之而子路子貢之徒未足以達此也故曰困德之辨也

凡易之情

愛惡相攻遠近相取情偽相感人心之至變也於何知之以其辭知之將叛者其辭慙中心疑者其辭枝吉人之辭寡躁人之辭多誣善之人其辭游失其守者其辭屈聽其

言也觀其眸子人焉廋哉是以聖人設卦以盡情僞夫誠於中必形於外君子之所以知人也百物而爲之備使民知神姦先王之所以鑄鼎也故曰作易者其有憂患乎周身之防禦物之智其全於是矣

易逆數也

數往者順造化人事之迹有常而可驗順以攷之於前也知來者逆變化云爲之動日新而無窮逆以推之於後也聖人神以知來知以藏往作爲易書以前民用所設者未然之占所期者未至之事是以謂之逆數雖然若不本於八卦已成之迹亦安所觀其會通而繫之爻象乎是以天下之言性也則故而已矣

劉汝佳曰天地間一理也聖人因其理而畫爲卦以象之
因其象而著爲變以占之象者體也象其已然者也占者
用也占其未然者也已然者爲往往則有順之之義焉未
然者爲來來則有逆之之義焉如象天而畫爲乾象地而
畫爲坤象雷風而畫爲震巽象水火而畫爲坎離象山澤
而畫爲艮兌此皆觀變於陰陽而立卦發揮於剛柔而生
爻者也不謂之數往者順乎如筮得乾而知乾元亨利貞
筮得坤而知坤元亨利牝馬之貞筮得震而知震亨震來
虩虩笑言啞啞筮得巽而知巽小亨利有攸往利見大人
筮得坎而知習坎有孚維心亨行有尙筮得離而知離利
貞亨畜牝牛吉筮得艮而知艮其背不獲其身行其庭不

見其人筮得兌而知兌亨利貞此皆通神明之德類萬物之情者也不謂之知來者逆乎夫其順數已往正所以逆推將來也孔子曰殷因於夏禮所損益可知也周因於殷禮所損益可知也數往者順也其或繼周者雖百世可知也知來者逆也故曰易逆數也若如邵子之說則是義文之易已判而爲二而又以震離兌乾爲數已生之卦巽坎艮坤爲推未生之卦殆不免強孔子之書以就己之說矣

錢氏曰先生不信康節先天之學其識高於元明諸儒遠矣

說卦雜卦互文

雷以動之風以散之雨以潤之日以暄之艮以止之兌以說之乾以君之坤以藏之上四舉象下四舉卦各以其切

於用者言之也終萬物始萬物者莫盛乎艮崔憬曰艮不言山獨舉卦名者以動撓燥潤功是風雷水火至於終始萬物於山義則不然故舍象而言卦各取便而論也得之矣

漢成案李鼎祚周易集解作故言卦而餘皆稱物故言卦句今云故舍象而言卦義雖無異文則未賅

古人之文有廣譬而求之者有舉隅而反之者今夫山一卷石之多今夫水一勺之多天地之外復言山水者意有所不盡也坤也者地也不言西南之卦兌正秋也不言西方之卦舉六方之卦而見之也意盡於言矣虞仲翔以爲坤道廣布不主一方及兌象不見西者妄也

豐多故親寡旅也先言親寡後言旅以協韻也猶楚辭之吉日兮辰良也虞仲翔以爲別有義非也

兌爲口舌

兌爲口舌其於人也但可以爲巫爲妾而已以言說人豈非妾婦之道乎

凡人於交友之閒口惠而實不至則其出而事君也必至於靜言庸違故舜之禦臣也楊氏曰禦當作於敷奏以言明試以功而孔子之於門人亦聽其言而觀其行

唐書言韋貫之自布衣爲相與人交終歲無欸曲未嘗僞辭以悅人其賢於今之人遠矣

序卦雜卦

序卦雜卦皆旁通之說先儒疑以爲非夫子之言然否之大往小來承泰之小往大來也解之利西南承蹇之利西

南不利東北也是文王已有相受之義也益之六二卽損之六五也其辭皆曰十朋之龜姤之九三卽夬之九四也其辭皆曰臀无膚未濟之九四卽既濟之九三也其辭皆曰伐鬼方是周公已有反對之義也必謂六十四卦皆然則非易書之本意或者夫子嘗言之而門人廣之如春秋哀十四年西狩獲麟以後續經之作耳

晉書也明夷誅也

蘇氏曰晝日三接故曰晝得其大首故曰誅晉當文明之世羣后四朝而車服以庸揖讓之事也明夷逢昏亂之時取彼凶殘而殺伐用張征誅之事也一言晝一言誅取其音協爾

原注晝古音注易林及張衡西京賦並同
仲翔曰誅傷也本義用之與晝義相對不切 虞

孔子論易

孔子論易見於論語者二章而已曰加我數年五十以學易可以無大過矣曰南人有言曰人而無恆不可以作巫醫善夫不恆其德或承之羞子曰不占而已矣是則聖人之所以學易者不過庸言庸行之閒而不在乎圖書象數也今之穿鑿圖象以自爲能者畔也

記者於夫子學易之言而卽繼之曰子所雅言詩書執禮皆雅言也是知夫子平日不言易而其言詩書執禮者皆言易也人苟循乎詩書執禮之常而不越焉則自天祐之吉无不利矣故其作繫辭傳於悔吝无咎之旨特諄諄焉而大象所言凡其體之於身施之於政者無非用易之事

然辭本乎象故曰君子居則觀其象而玩其辭觀之者淺
玩之者深矣其所以與民同患者必於辭焉著之故曰聖
人之情見乎辭若天一地二易有太極二章皆言數之所
起亦贊易之所不可遺而未嘗專以象數教人爲學也是
故出入以度无有師保如臨父母文王周公孔子之易也
希夷之圖康節之書道家之易也自二子之學興而空疏
之人迂怪之士舉竄迹於其中以爲易而其易爲方術之
書於聖人寡過反身之學去之遠矣楊氏曰此論與朱子異
詩三百一言以蔽之曰思無邪易六十四卦三百八十四
爻一言以蔽之曰不恆其德或承之羞夫子所以思得見
夫有恆也有恆然後可以無大過

七八九六

易有七八九六而爻但繫九六者舉隅之義也故發其例

於乾坤二卦曰用九用六用其變也亦有用其不變者春

秋傳穆姜遇艮之八晉語董因得泰之八是也

（原注）杜元凱注謂雜

用連山歸藏二易皆以七八爲占故言遇艮之八者非

晉語公子筮得貞屯悔豫皆八本卦爲貞之卦爲悔沙隨

程氏曰初與四五凡三爻變其不今卽以艮言之二爻獨

變者二三上在屯爲八在豫亦八

變則名之六餘爻皆變而二爻獨不變則名之八是知乾

坤亦有用七用八時也乾爻皆變而初獨不變曰初七潛

龍勿用可也坤爻皆變而初獨不變曰初八履霜堅冰至

可也占變者其常也占不變者其反也故聖人繫之九六

歐陽永叔曰易道占其變故以其所占者名爻不謂六爻

皆九六也得之矣。錢氏曰春秋之世三易尚存其以周易妹之睽明夷之謙之類是也數爻變則以彖辭占如艮之八屯貞悔豫皆八是也六爻皆不變亦以彖辭占泰之八是也以爻辭占稱九六以彖辭占稱八九六八之名惟周易有之若雜以它占則否千乘三去射其元王不云盥之八復之八者非周易繇詞也又曰惠氏棟嘗言之著圖而神七也卦方以知八也六爻易以貢九六也七七四十九著之數八八六十四卦之數九六變成三百八十四爻之數神以知來知以藏往知來爲卦之未成者藏往爲卦之已成者故不曰七而曰八春秋內外傳從無筮得某卦之七者以七者筮之數未成卦也

趙汝楳易輯聞曰揲著策數凡得二十八雖爲乾亦稱七凡得三十二雖爲坤亦稱八

楊彥齡筆錄曰楊損之蜀人博學善稱說余嘗疑易用九六而無七八損之云卦畫七八爻稱九六

乾之策二百一十有六坤之策百四十有四亦是舉九六

以該七八也朱子謂七八之合亦三百有六十也

原注乾遇七則

一百六十八坤遇八則一百九十二

卜筮

舜曰官占惟先蔽志昆命于元龜詩曰爰始爰謀爰契我

龜洪範曰謀及乃心謀及卿士謀及庶人謀及卜筮孔子

之贊易也亦曰人謀鬼謀

原注祖伊告紂言格人元龜亦先人後龜

夫庶人至

賤也而猶在蓍龜之前故盡人之明而不能決然後謀之

鬼焉故古人之於人事也信而有功於鬼也嚴而不瀆

子之必孝臣之必忠此不待卜而可知也其所當爲雖凶

而不可避也故曰欲從靈氛之吉占兮心猶豫而狐疑又

曰用君之心行君之意龜策誠不能知此事善哉屈子之

言其聖人之徒歟

卜居屈原自作設爲問荅以見此心非鬼神吉凶之所得而移耳王逸序乃曰心迷意惑不知所爲往至太卜之家決之蓍龜冀聞異策以定嫌疑則與屈子之旨大相背戾矣洪興祖補注曰此篇上句皆原所從下句皆原所去時之人去其所當從從其所當去其所謂吉乃原所謂凶也可謂得屈子之心者矣

楊氏曰漢以前注止据文生義王叔師序漁父便謂實有其人此不足怪也

也

禮記少儀問卜筮曰義與志與義則可問志則否子孝臣忠義也違害就利志也卜筮者先王所以教人去利懷仁義也

石駘仲卒無適子有庶子六人卜所以爲後者曰沐浴佩玉則兆五人者皆沐浴佩玉石祁子曰孰有執親之喪而沐浴佩玉者乎不沐浴佩玉石祁子兆衛人以龜爲有知也南蒯將叛枚筮之遇坤之比曰黃裳元吉子服惠伯曰忠信之事則可不然必敗外彊內溫忠也和以率貞信也故曰黃裳元吉黃中之色也裳下之飾也元善之長也中不忠不得其色下不其不得其飾事不善不得其極且夫易不可以占險猶有闕也筮雖吉未也南蒯果敗是以嚴君平之卜筮也與人子言依於孝與人弟言依於順與人臣言依於忠而高允亦有筮者當依附爻象勸以忠孝之論其知卜筮之旨矣

申鑒或問卜筮曰德斯益否斯損曰何謂也吉而濟凶而救之謂德吉而恃凶而怠之謂損

君子將有爲也將有行也問焉而以言其受命也如嚮告其爲也告其行也死生有命富貴在天若是則無可爲也無可行也不當問問亦不告也易以前民用也非以爲人前知也求前知非聖人之道也是以少儀之訓曰毋測未至

郭璞嘗過顏含欲爲之筮含曰年在天位在人修己而天不與者命也守道而人不知者性也自有性命無勞蓍龜文中子子謂北山黃公善醫先寢食而後鍼藥汾陰侯生善筮先人事而後說卦

金史方伎傳序曰古之爲術以吉凶導人而爲善後世術者或以休咎導人而爲不善

日知錄集釋卷一終

金陵劉漢洲鐫

日知錄集釋卷二

崑山顧炎武著

嘉定後學黃汝成集釋

帝王名號

堯舜禹皆名也古未有號故帝王皆以名紀臨文不諱也

原注胡文定修春秋劄子臣聞古者不以名為諱堯典稱有錫在下曰虞舜則堯舜者固二帝之名而堯典乃虞氏史官所作直載其君之名而不避也周氏曰按曲禮詩書不諱臨文不諱虞慎注曰臨文謂禮文也禮執文行事故言文也鄭康成注曰爲其失事正也陳澧注曰不因避諱而改行事之語蓋恐有誤于承事也從來解文字皆如此而從來引此句多誤顧氏亦未之免要當考之尙書帝曰用詩書不諱耳陽氏曰虞夏時亦未有諱

格汝舜格汝禹名其臣也堯崩之後舜與其臣言則曰帝禹崩之後五子之歌則曰皇祖允征則曰先王無言堯舜禹者不敢名其君也自啟至發皆名也夏后氏之季而始

有以十干爲號者桀之癸商之報丁報乙報丙主壬主癸

皆號以代其名

原注白虎通曰殷實以生日名子

自天乙至辛皆號也

原注

太甲沃丁仲丁河亶甲祖乙盤庚皆以爲書篇之名惟其號也

商之王著號不著名而名

之見於經者二天乙之名履辛之名受是也

原注武庚亦是武庚亦

名曰湯曰紂則亦號也

原注孔氏西伯戡紂序傳受紂也音相亂

號則臣子所

得而稱故伊尹曰惟尹躬暨湯頌曰武湯曰成湯曰湯孫

也

原注微子之命言乃祖成湯多士言爾先祖成湯皆對其臣子稱之

曰文祖曰藝祖曰神

宗曰皇祖曰烈祖曰高祖曰高后曰中宗曰高宗而廟號

起矣曰元王曰武王而諡立矣曰大舜曰神禹曰大禹曰

成湯曰寧王而稱號繁矣自夏以前純乎質故帝王有名

而無號自商以下寢乎文故有名有號而德之盛者有諡

以美之於是周公因而制諡自天子達於卿大夫美惡皆有諡而十干之號不立

原注史記齊太公世家太公子丁公丁公子乙公乙公子癸公猶用

商人之稱陸淳曰史記世本厲王以前諸侯有諡者少其後乃皆有諡

然王季以上不追諡

猶用商人之禮焉此文質之中而臣子之義也嗚呼此其所以爲聖人也歟

九族

宗盟之列先同姓而後異姓喪服之紀重本屬而輕外親此必有所受之不自周人始矣克明俊德以親九族孔傳以爲自高祖至元孫之親蓋本之喪服小記以三爲五以五爲九之說而百世不可易者也牧誓數商之罪但言昏棄厥遺王父母弟而不及外親呂刑申命有邦歷舉伯父

伯兄仲叔季弟幼子童孫而不言甥舅古人所爲先後之

序從可知矣故爾雅謂於內宗曰族於母妻則曰黨而昏

禮及仲尼燕居三族之文康成並釋爲父子孫原注儀禮昏禮三族

昏禮三族

之不虞注三族謂父昆弟己昆弟子昆弟禮記仲尼燕居篇故三族和也注三族父子孫也杜元凱乃

謂外祖父外祖母從母子及妻父妻母姑之子姊妹之子

女子之子非己之同族汝成案非今本作并皆外親有服而異族者

汝成案非
今本作并

皆外親有服而異族者

原注左氏桓公六年傳注楊氏曰杜氏之所以異于孔鄭者以傳文云修其五教親其九族五教注旣云父義母慈兄友弟恭子孝矣則九族更不得就一本言之所謂言各有當也汝成案左傳桓公六年疏禮戴尚書歐陽說九族乃異姓有屬者父族四五屬之內爲一族父子女昆弟適人者與其子爲一族己之女子子適人者與其子爲一族己女昆弟適人者與其子爲一族女子子適人者與其子爲一族母子女昆弟適人者與其子爲一族妻之母姓爲一族母女昆弟適人者與其子爲一族妻族二妻之父姓爲一族妻之母姓爲一族此小異者以鄭駁云女子不得與父兄爲異族故簡去其母惟取其子夫旣

以爲異姓有屬者而仍數五屬之內爲一族則不辭若無
姑或無姊妹無女子子則九族不備皆理之不可通者

然則史官之稱帝堯舉其疏而遺其親無乃顛倒之甚乎

且九族之爲同姓經傳之中有明證矣春秋魯成公十五

年宋其公卒傳曰二華戴族也司城莊族也六官者皆桓

族也其公距戴公九世

原注凡十三公內除同世者四公沈氏曰左傳所言蓋氏族之族也

不謂顧氏乃有此外謬

而唐六典宗正卿掌皇九族之屬籍以別昭

穆之序紀親疏之別九廟之子孫其族五十有九光皇帝

一族景皇帝之族六元皇帝之族三高祖之族二十有一

太宗之族十有三高宗之族六中宗之族四睿宗之族五

此在元宗之時已有七族

原注中睿二宗同爲一世沈氏曰六典所言乃同宗之族也以

此證九族恐未精細

若其歷世滋多則有不止於九者而五世親盡

故經文之言族者自九而止也

原注杜氏於襄十二年傳出曰同族謂高祖以下則

前說之非不待辨而明矣

又孔氏正義謂高祖元孫無相及之理

原注桓六

年不知高祖之兄弟與元孫之兄弟固可以相及

沈氏曰

兄弟亦親盡無服如後魏國子博士李烈之所謂壽有長

短世有延促不可得而齊同者如宋洪邁容齋隨筆言嗣

濮王士歆在隆興爲從叔祖在紹熙爲曾叔祖在慶元爲

高叔祖其明證矣

原注余丁未歲在大同遇代府中尉俊

而上距國治之元已一百八十年亦何必帝堯之世高祖

秦晉二府見在者多其六七世孫元孫之族無一二人同在者乎疑其不相及而以外戚當

之其亦昧於齊家治國之理矣

路史曰親親治之始也禮小記曰親親者以三爲五以五

爲九上殺下殺旁殺而親畢矣是所謂九族者也夫人生

則有父壯則有子父子與己此小宗伯三族之別也

原注周禮

小宗伯掌三族之別以辨其親疏其正室皆謂之門子

父者子之祖因上推之以及

於己之祖子者父之孫因下推之以及於己之孫此禮傳

之以三爲五也己之祖自己子視之則爲曾祖王父自己

孫視之則爲高祖王父己之孫自己父視之則爲曾孫自

己祖視之則爲元孫故又上推以及己之曾高下推以及

己之曾元是所謂以五爲九也陳氏禮書曰己之所親以

一爲三祖孫所親以五爲七記不言者以父子一體而高

元與曾同服故不辨異之也服父三年服祖期則曾祖宜

大功高祖宜小功而皆齊衰三月者不敢以大小功旁親

之服加乎至尊故重其衰麻尊尊也減其日月恩殺也此

所謂上殺服適子三年庶子期適孫期庶孫大功原注適孫傳重

者也有適子者無適孫則會孫宜五月而與元孫皆總麻

三月者曾孫服會祖三月曾祖報之亦三月曾祖尊也故

加齊衰會孫卑也故服總麻此所謂下殺服祖期則世叔

楊氏曰世叔宜云宜大功以其與父一體故加以期原注

世叔父下同親親至重者莫如兄弟兄弟之子進而為期其服同於子

父之兄弟進而為期其服同於祖父故曰死喪之戚兄弟

懷從世叔則疏矣加所不及沈氏曰此下宜增故服大功

服小功族世叔又疏矣故服總麻此發父而旁殺者也祖

之兄弟小功族祖總麻一句會祖兄弟總麻高祖兄弟

無服此發祖而旁殺者也同父至親期同祖為從大功同

曾祖爲再從小功同高祖爲三從總麻此發兄弟而旁殺

者也父爲子期兄弟之子宜九月不九月而期者以其猶

子而進之也從兄弟之子小功再從兄弟之子總麻此發

子而旁殺者也祖爲孫大功兄弟之孫小功從兄弟之孫

總麻沈氏曰此下宜增兄此發孫而旁殺者也沈氏曰族

祖而旁殺者也固宜增入曾祖兄弟總麻發曾祖而旁殺

者也兄弟曾孫總麻發曾孫而旁殺者也宜自爲兩段至

高祖兄弟無服蓋服有加也有報也有降也祖之齊衰世

叔從子之期皆加也曾孫之三月與兄弟之孫五月皆報

也若夫降有四品則非五服之正也觀於九族之訓如喪

考妣之文而知宗族之名服紀之數蓋前乎二帝而有之

矣

汝成案先生所云從世叔即喪服小功章從祖父降族

世叔即總麻章族父母沈氏此注既乖服術又舛出云

後魏孝文太和中詔延四廟之子下逮元孫之胃申宗宴於皇信堂不以爵秩爲列悉序昭穆爲次用家人之禮此由古聖人睦族之意而推之者也

舜典

古時堯典舜典本合爲一篇故月正元日格于文祖之後而四岳之咨必稱舜曰者以別於上文之帝也至其命禹始稱帝曰問荅之辭已明則無嫌也

惠迪吉從逆凶

善惡報應之說聖人嘗言之矣大禹言惠迪吉從逆凶惟景響湯言天道福善禍淫伊尹言惟上帝不常作善降之百祥作不善降之百殃又言惟吉凶不僭在人惟天降災

祥在德孔子言積善之家必餘慶積不善之家必餘殃豈真有上帝司其禍福如道家所謂天神察其善惡釋氏所謂地獄果報者哉善與不善一氣之相感如水之流濕火之就燥不期然而然無不感也無不應也此孟子所謂志壹則動氣而詩所云天之牖民如堦如篴如璋如圭如取如攜者也其有不齊則如夏之寒冬之燠得於一日之偶逢而非四時之正氣也故曰誠者天之道也若曰有鬼神司之屑屑焉如人閒官長之爲則報應之至近者反推而之遠矣

懋遷有無化居

懋遷有無化居化者貨也

原注古化貨二字多通用史記仲尼弟子傳與時轉貨貨索隱

日家語貨作化運而不積則謂之化留而不散則謂之貨唐虞之世曰化而已至殷人始以貨名仲虺有不殖貨利之言三風有殉於貨色之儆而盤庚之誥則曰不肩好貨於是移化之字爲化生化成之化而厚斂之君發財之主多不化之物矣

舜作南風之歌所謂勸之以九歌者也原注左傳文八年
皆可歌也讀之然後知解吾民之愠者必在乎阜吾民之謂之九歌財而自阜其財乃以來天下之愠

三江

北江今之揚子江也中江今之吳淞江也

原注東逵北會于匯蓋指固城

石曰不言南江而以三江見之南江今之錢塘江也原注本郭

璞說全氏曰三江之說其以中江北江南江言之者漢孔

氏傳據經文謂有中有北則南可知是為三江其道則自

彭蠡分為三而入震澤復分為三入海按江漢之水

入海即所謂彭蠡也然則江至湖口與豫章江會數千里而

為三況震澤在今之常湖蘇三府地自隋煬帝鑿江南河

始與江通當禹時江湖何自而會且大江又合流入海未

聞三分故前輩謂安國未嘗南游不諸吳楚地理是書傳

之說非也班孟堅地理志指松江為南江永陽江荆谿諸

水為中江大江為北江司馬彪郡國志因之此與書傳所

言本自不同乃孔穎達引以證傳而司馬貞入之索隱王

荆公亦取其說但其所謂中江出丹陽蕪湖縣西南至會

稽陽羨縣東人海者按陽羨與丹陽雖相接而兩境中高

又皆有堆阜間之其水分東西流江之在陽羨者固可通

海而蕪湖之水皆西北流合寧國廣德宣歙諸水北向以

入大江安得南流以上陽羨也夫諸水皆支流不足以當

大江經文明有中江而乃背之甚屬無謂乃或言地理志

之中江在洪時原有之禹塞之以奠震澤則何不云三

江既塞是地志之說尤非也水經謂江至石城分為二其

一即經文所謂北江者也南江則自牛渚上桐水過安吉

縣為長瀆歷湖口東則松江出焉江水奇分謂之三江口

東至會稽餘姚縣東入海其于中江闕焉不知桐水今之

廣德長清今之太湖其中高水不相通亦猶丹陽之與陽
羨而南江既為吳松安得更從餘姚入海故胡觥明疑東
則松江出焉上五字乃注之誤混于經者蓋地志以松江
為南江水經以分江水為南江道元欲援水經以合地志
故曲傳之總之與禹貢不合是水經之說又非也鄭康成
書注左合漢為北江會彭蠡為南江岷江居其中則為中
江康成未嘗見書傳然其說頗與合特不言入震澤耳唐
魏王泰括地志謂三江俱是書彭蠡合為一江入潞夫合
一江則仍不可以言三江是書注之說亦非也盛宏之荆
州記江出岷山至楚都遂廣十里名南江至尋陽分九道
東會于彭澤經蕪湖名中江東北至南徐州名北江入海
此一本漢志舊注岷山為大江至九江為中江至徐陵為北
江一原而三日今載初學記中而徐氏注說文宗之但此
仍一江非三江也其與孔鄭別者不過一以南江為大江
之委一以非三江也其與孔鄭別者不過一以南江為大江
周禮疏襲孔鄭之說而變之謂江至尋陽南合為一東至
揚復分三道入海但彭蠡在尋陽之南幾見江漢之分至
尋陽始合而大江之合至彭蠡又分三者則周禮疏之說亦
非也初學記又引郭景純山海經注三江者大江中江北
江汶山郡有岷山大江所出岷山中江所出岷山北江所
出此在山經原未以言禹貢之三江而楊用修因謂諸家
求三江于下流曷不向上流尋討蓋三江發原于蜀而注

震澤禹貢紀其原以及其委乃不考大江震澤之本不相
通且亦思三江盡在夔峽以西安得越梁荆而紀之揚況
山海經安足解尚書也試讀海內東經又有大江出汶山
北江出岷山其中江出高山之語是又三三江也是固不足
信之尤者也其以松江東江言之一三三江也守節謂在蘇
州東南三十里名三松江口東江口一江西南上七十至白
松江古笠澤江一江東北下三百餘里名下江亦曰婁湖名上江亦
曰東江一江東賦注而與又本顧夷吳地記吳越春秋所謂范
蠡乘舟出三江之口與水經所云奇分者也陸德明已引
之守節始主其說而薛季龍朱樂圖蔡九峰皆以為然但
據諸書皆云三江之口而薛季龍朱樂圖蔡九峰皆以為然但
港故孔仲達已非之謂不以爲三江況東婁僅爲吳松支
江婁江並入海據史記正義則僅婁江入海然則三江仍
屬一江而東婁二江至今無攷則吳地記之說亦非也虞
氏志林謂松江至彭蠡分三道大抵卽指松江東江婁江
而言則更紕繆之甚彭蠡爲中江北江卽指松江東江婁江
入大江卽從毗陵入海而松江乃從吳縣入海安得至彭
蠡也則志林之說尤非也黃東發力主庾張而又疑之謂
子嘗泛舟至吳松絕不見所謂東婁者考吳志有白蠟江
笠澤江意者卽是耶不知白蠟卽東婁江者考吳志有白蠟江
失記張氏原注而懸揣之是日抄之說亦非也金仁山曰

太湖之下三江說有二一謂吳松江七十里中為松江東
南婁江北東江一謂松江吳松乃其一耳則亦疑松江是
江婁江之未足以當三江而究之別有江浙浦陽江為三
欲為之辭而不得也若章曜謂吳松江江浙浦陽江為三
江其意以大江之望已舉彭蠡于東南及松江又南則浙
後返永興之東與浦江合則特錢唐之支流耳或且祖吳
越春秋以浦江與江浙江合則特錢唐之支流耳或且祖吳
而荆江并不能與浦江並大江為三流數百使隨舉而錯
可乎惟水經洑水中篇注引郭景純曰三揚州東南揚子江
浙江也初學記誤引以為章曜之言蓋揚州東南揚子江
又東南吳松江又東南錢唐江三處入海而各雄一方為
揚州三大望南距荆楚東盡於越中舉勾吳此外無相與
上湖之利者非吳也耶子胥曰吳之與越三環之夫環江
吳越之境為二國所必爭非岷江松江之文而止求其利病之
傳旁通曰三江不若揚子江北松江之文而止求其利病之
在揚州水之大者莫若揚子江松江之文而止求其利病之
下何舍大江而遠錄湖水之支流則中江北江之文而止
不合明矣況岷江入則彭蠡諸水從矣鄭孔諸家所謂中
江北江者已該之松江入則其區諸水從矣張諸
家所謂松江東江婁江者已該之松江入則其區諸水從

矣章趙諸家所謂浙江浦江剡江者已該之蓋舉三大望而諸小江盡具焉是諸說皆可廢也嘗考宋淳熙間知崑山縣邊實作縣志言大海自西淙分南北由斜轉而西朱陳沙謂之揚子江口出徘徊頭而北黃魚埭謂之吳淞江口由浮子門而上謂之錢唐江口三江既入禹迹無改是其說最得之乃有疑大江祇一瀆耳不應既以表荆復以表揚不知江漢朝宗之文江尚兼漢言之至揚始有專尊況自南康至海千五百里不得專屬荆也試以禹貢書法言之淮海惟揚海岱惟青海岱及淮惟徐倘謂著之一方不得公之他所則是夏史官亦失書法也又有疑禹合諸侯于會稽在禹位後若治水時浙江未聞疏導不得預三江之列不知禹貢該括眾流不應獨遺浙江而會稽又揚州山鎮所在必無四載不至之理其不言于導水者或以施功之少故略之耳若顧寧人疑古所謂中江北江南江卽景純所謂三江則愚又未敢以爲然據先儒固城等湖是闔閩伐楚開以運糧者況經文中以江明指大江似無庸附會也若胡臚明既主康成之說又以秦漢之際別有三江以分江水東歷烏程至餘姚合浙江入海者爲南江以蕪湖水東至陽羨由太湖入海者爲中江合岷山爲北江其說雖無闕禹貢而亦屬不破分江水發安慶至貴池卽別標一名其東由太湖入海者安得復言江也臚明將正

漢志水經之失而不知自出其揣度之詞矣景純說黃文叔頗不謂然其後季氏罔始引之東匯澤陳氏暢之歸熙甫因爲定論愚竊以景純之說爲不易云姚邢部曰漢地理志曰蕪湖縣中江出西南東南至陽羨入海吳縣南江在南東入海毗陵北江在北東入海禹貢之三江具是矣禹貢之後周職方以爲揚州之川國語以爲環吳越之境下至秦漢人凡云三江者皆此三江也夫江漢既合其下流爲北江者固非必漢水爲中江者固非必江水也然而導川之文分紀之曰導漾東爲北江導江東爲中江者約其地勢南北而機分之曰導江漢之均爲瀆焉耳鄭康成本地志以注禹貢故疏引其說曰江分於彭蠡爲三孔東入海言江自彭蠡而下始流爲三也又曰經言東迤爲南江其解尤善蓋地志石城縣分江水首受江者南江之始而在吳縣南東入海者南江之委也導川有北江中江而遺南江豈其理哉故言導江至於東陵其分而東流者迤邐入海是南江也其北流者又會于匯而後爲中江也世皆說會於匯爲彭蠡而實非是今江合彭蠡過湖口乃東北流是會匯而後北非北會于匯也且經文簡導漾導江辭皆互見導漾已言東匯澤爲彭蠡矣導江不必再言也然則是匯在石城分南江之後蕪湖分中江之先其巢湖也歟夫說禹三江者莫詳於漢地理志莫善于康成之注書而惜乎不可盡見自是之後江水支分南派湮失人疑所

不見而說乃曰紛韋昭以松江錢塘浦陽爲三江其言始
謬郭景純則以今大江易其浦陽夫浦陽占不與江通不
當名爲江景純易去之爲是而景純所數之三江實卽地
志三江之委固不若地志原委之分明也若夫庾仲初以
婁江松江東江爲三江原流猥短何以名揚州之川其謬
殆不足以辨而徐堅初學記不知得誰氏之說誤以爲康成
乃以彭蠡爲南江岷江爲中江漢爲北江夫經于導川言
其下流乃爲此三江耳而求之上漢爲北江所受之大水
豈啻六七而何以此謂之三江且揚州其川三江而漢水入
江之地非揚州也其論無一可通與疏所引之鄭注絕相
背此豈康成言哉近世胡觥明著禹貢錐指知訕庾仲初
之徒顧信初學記之所謂鄭說者環謂蕪湖石城之水鑿
於閭廬非禹跡何以其謬耶墨子云禹南爲江漢淮汝東流
之注五湖之處是以利楚荆越南夷之民夫以江漢東流之
注五湖之處是石城蕪湖水貢禹所爲非閭廬鑿也荀子
曰禹通十二渚疏三江墨子荀子之去閭廬未遠使石城
蕪湖水乃閭廬鑿耶其知之必先於胡氏矣錢學博曰禹
貢之三江職方之三江也班孟堅地理志謂南江在吳縣
南入海北江在毗陵縣北入海中江出蕪湖西南至陽
羨入海皆揚州之說曰左合漢爲北江右會彭蠡爲南江
尚書始別爲之說曰若然則自夏口以北者北江也湖口以

南者南江也夏口以至湖口者中江也而自湖口以下惟
有一江以禹貢導水經文質之于漢曰東匯澤為彭蠡東
為北江入於海于江曰東迤北會于匯東為中江入於海
則自湖口而下分為三江殆不如康成之說矣揆孟堅所
言江過湖口實分為三而以行南道者為南江行北道者
為北江行中道者為中江合乎禹貢導水之經誠不易之
論也考之水經河水自沙羨縣北南入於江合流至居巢
縣南東至石城縣分為二其一東北入海過牛渚磯陵以入
海者為北江自石城縣東入貴口至餘姚入海者為南江自
丹陽蕪湖縣東至會稽陽羨入海者為中江皆與孟堅合
惟孟堅謂南江從吳縣南入海鄞道元引桑欽地理志亦謂
江水首受江東至餘姚入海鄞道元引桑欽地理志亦謂
江水自石城縣東出逕吳國南為南江蓋餘姚入海之江即
吳縣南入海之江也餘姚吳縣之南為南江蓋餘姚入海之江
杭錢塘諸縣南入江由之入海固在吳國之南國後為縣是
以孟堅志南江入海處既系之餘姚又系之吳縣也水經
附記不詳中江所經而今尚有其迹自楊行密築五壘江
流始絕永樂時設三壘則陸行者十八里矣然自銀林以
西鄧步以東其流固在也可知二江雖自石城蕪湖分行
而同會具區故鄣道元以南江即合于浙江浦陽江之谷
水而咸淳毗陵志以荆溪為中江惟北江自從毗陵入海
耳此足以證三江之實有其三非如康成之合三江而為

一矣王氏曰考周應合紮定建康志云唐景福三年楊行密將臺濠作五堰拖輕舸饋糧而中江之流始狹五堰者銀林堰在深水縣東南一百里長二十里少東曰分水堰長十五里又東五里曰苦李堰長八里又五里曰何家堰長九里又五里曰余家堰長十里所謂魯陽五堰也後易爲上下二堰通名東坦據此似東坦陂自臺濠其實元和志當塗縣有蕪湖水在縣西南八十里源出縣東南之丹陽湖西北流入大江則元和以前此地已置堰故水不東流而西北入江與漢志東至陽羨已不合矣然漢志中江雖至陽羨人震澤若毘陵之北江卽今通州入海之大江不入震澤也吳縣之南江卽松江乃震澤下流非入震澤者也二孔以此爲皆人震澤殊爲妄謬且此三江雖有南北中之名與導水之中江北江無涉卽與揚州三江無涉而二孔牽合爲一獨不思大江安流千古無易遠在震澤東北二百餘里由揚子入海此豈入震澤者而乃云江分爲三江之中江入震澤豈非誤以漢志三江當禹貢三江以漢志爲三共入震澤同再攷江湖之通起于周末並非禹迹蓋漢志記索隱誤同再攷江湖之通起于周末並非禹迹蓋漢志中江卽今蕪湖之縣河高淳之胥溪深陽之永陽江宜興之荆溪西連固城石臼丹陽諸湖受宣歙金陵姑孰廣德及大江水東連三塔湖長蕩湖達荆溪震澤此水三代以上本不相通中三五里輒有高阜猶是後代閒鑿所遺蓋

春秋時闢廬伐楚用伍員計開之左傳襄公三年楚子重
伐吳克鳩茲至于衡山哀公十五年楚子西子期伐吳及
桐汭皆由此道自是江湖始通河渠書東方則通溝江淮
之間卽夫差所開邗溝于吳則通渠三江五湖卽闢廬所
開胥溪也而後世誤以爲禹迹知禹時江湖本不通則知
漢志南江中江與禹貢三江無涉又曰漢志南江中江固
與禹貢三江無涉矣而又分江水漸江水二條分江水
出丹陽郡石城縣首受江東至餘姚入海過郡二行千二
百三里漸江水出丹陽郡黟縣南蠻夷中入海水經漸江水
出三天于都北過餘姚東入于海鄒注云山海經謂之浙
江也至錢塘稱錢塘江與浦陽江合稱浦陽江此水本出
山谿無勞疏鑿且與大江中隔重巒障斷無相通之事
說文水部漸字注云水出丹陽黟南蠻中東入海又浙字
注云江水東至會稽山陰爲浙江漸本一水浙字注之
江水當作漸江水若因其脫字疑爲大江支流可合浙江
萬無此理若所云分江水者班氏雖著其出石城但漢石
城廢縣今在貴池縣西七十里已無復斯水信如首受江
之說餘姚乃在浙江東岸又中隔寧國廣德湖州諸境皆
巖壑蔽虧此水安得越而東至餘姚以入海此常疑乃
水經洧水中篇云洧水與江合流又東過彭蠡澤又東至
石城縣分爲二其一東北流過黟陵縣北爲北江其一東
至會稽餘姚縣東入海此蓋附會漢志之分江水因漢志

別有南江在吳南故不目曰南江而鄧注則遂目爲南江并援郭璞岷江松江浙江爲三江之說以此水與松江貴長池水合東北爲長濱東注于具區謂之五湖口此下南江又分二派一派東出爲松江下七十里分爲三江口入海一派又東至會稽餘姚縣東入海以此二派合北江爲三江攷石城分江水今沒不可復見而所謂貴池水者池州府志言其入江處名貴口則是還復西注于江竝非合分江水而東者卽有此水由貴池至安吉而爲南江以入太湖矣所謂松江者本承太湖何以見其上承分江其別派又何緣更從餘姚入海乃鄭氏解爲南江自五湖口東歷今烏程餘姚合浙江入海試思今諸暨南餘姚西北浙與浦陽江同入海者自是浙江一禹貢該括眾流無獨派乃夥象下流與貴池以下河涉乎

遺浙江之理而會稽又他日合諸侯計功之地也特以施

功少故不言於導水爾三江旣入一事也震澤底定又一

事也後之解書者必謂三江之皆由震澤以二句相蒙爲

文而其說始紛紛矣原注程大昌曰弱水旣西涇屬渭納必謂旣之一語爲起下文則弱水未

西其能越秦隴而亂涇渭乎可謂解頤之論沈氏曰便是既之一語非起下文而底之一字實緣上文也必執一而論則固矣且三危既宅三苗不敘豈非相蒙之文乎

錫土姓

今日之天下人人無土人人有姓蓋自錫土之法廢而唐

宋以下帝王之裔儕於庶人無世守之固錫姓之法廢而

魏齊以下朔漠之姓雜於諸夏失氏族之源原注春秋傳言允姓之姦

居於瓜州蓋古者後之鄙儒讀禹貢而不知其義者良多

矣汝成案國語皇天嘉之胙以天下賜姓曰姒氏曰有夏

因生賜姓古惟黃帝黃帝之子二十五人四母所生爲十

二姓惟古帝神靈能別知異德故一母之子可錫數姓堯

舜時雖有賜姓不過因前世之姓而命之有夏有呂皆以

國氏也三王知其不能行故爲立宗之法若後世而欲錫

姓則漢劉唐李顧足法乎至云朔漠之姓雜于諸夏則又

似以元魏之改姓爲非兩無處矣先生徒以帝王之後儕

于庶人遂感慨及
此自是偏激詞也

厥弟五人

夏商之世天子之子其封國而爲公侯者不見於經以太
康之尸位而有厥弟五人使其並建茅土爲國屏翰羿何
至篡夏哉富辰言周公弔二叔之不咸故封建親戚以蕃
屏周原注杜氏解曰弔傷也咸同也周公傷夏殷而少康
封其庶子於會稽以奉守禹祀二十餘世至於越之句踐
卒霸諸侯有禹之遺烈夫亦監於太康孤立之禍而然與
若乃孔子所謂大道既隱天下爲家各親其親各子其子
者亦從此而可知之矣

惟彼陶唐有此冀方

堯舜禹皆都河北故曰冀方至太康始失河北而五子御其母以從之於是僑國河南再傳至相卒爲浞所滅古之天子失其故都未有能國者也周失豐鎬而平王以東晉失雒陽宋失開封而元帝高宗遷於江左遂以不振惟殷之五遷圯於河而非敵人之窺伺則勢不同爾唐自元宗以後天子屢嘗出狩乃未幾而復國者以不棄長安也故子儀回鑾之表代宗垂泣宗澤還京之奏忠義歸心嗚呼幸而澆之縱欲不爲民心所附少康乃得以一旅之眾而誅之爾後之人主不幸失其都邑而爲興復之計者其念之哉

夏之都本在安邑太康畋於洛表而羿距於河則冀方之

地入於羿矣惟河之東與南爲夏所有至后相失國依於

二斟於是使澆用師殺斟灌原注在今壽光縣以伐斟鄩原注在今濰縣

而相遂滅原注左傳哀元年乃處澆於過原注今掖縣以制東方處豷

於戈原注杜氏解在宋鄭之間以控南國原注義四年其時靡奔有鬲原注今在

德平縣在河之東少康奔有虞原注今虞城縣在河之南而自河以

內無不安於亂賊者矣合魏絳伍員二人之言可以觀當

日之形勢而少康之所以布德兆謀者亦難乎其爲力矣

原注竹書謂太康元年卽居斟鄩非也

古之天子常居冀州後人因之遂以冀州爲中國之號楚

辭九歌覽冀州兮有餘楊氏曰楚辭本意蓋謂淮南子女

嫫氏殺黑龍以濟冀州路史云中國總謂之冀州穀梁傳

曰原注桓鄭同姓之國也在乎冀州原注正義曰冀州者

殷皆都焉以鄭近王畿故舉冀州以爲說

允征

義和尸官慢天也葛伯不祀亡祖也至於動六師之誅興鄰國之伐古之聖人其敬天尊祖也至矣故王制天子巡守其削緇諸侯必先於不敬不孝

惟元祀十有二月

惟元祀十有二月乙丑元祀者太甲之元年十有二月者建子之月蓋湯之崩必以前年之十二月也殷練而祔伊

尹祠於先王奉嗣王祗見厥祖祔湯於廟也原注非朔者祔廟無定日

先君祔廟而後嗣子卽位故成之爲王而伊尹乃明言烈

祖之成德以訓於王也若自桐歸亳以三祀之十二月者

則適當其時而非有所取爾

楊氏曰十二月尚正月也

卽位者卽先君之位也未祔則事死如生位猶先君之位也故祔廟而後嗣子卽位殷練而祔卽位必在期年之後周卒哭而祔故踰年斯卽位矣

原注如魯成公以八月薨十二月葬襄公以明年正月

月卽有不待葬而卽位如魯之文公成公者其禮之末失乎

三年喪畢而後踐天子位舜也禹也練而祔祔而卽位殷也踰年正月卽位周也世變愈下而柩前卽位爲後代之通禮矣

西伯戡黎

以關中并天下者必先於得河東秦取三晉而後滅燕齊
苻氏取晉陽而後滅燕宇文氏取晉陽而後滅齊故西伯
戡黎而殷人恐矣

少師

古之官有職異而名同者太師少師是也比干之爲少師
周官所謂三孤也論語之少師陽則樂官之佐而周禮謂
之小師者也故史記言紂之將亡其大師疵少師彊抱其

樂器奔周而後儒之傳誤以爲微子也

原注周本紀書古今人表亦有

大師疵少師彊楊氏曰古今人表以紂于縶皆作紂之樂
官董江都說亦如此若微子不歸周金仁山辨之極正沈
氏曰宋微子世家曰武王伐紂克殷微子乃持其祭器造
于軍門則後儒亦本于史記而太史公之傳聞有異同也

殷紂之所以亡

自古國家承平日久法制廢弛而上之令不能行於下未有不亡者也紂以不仁而亡天下人人知之吾謂不盡然紂之爲君沈湎於酒而逞一時之威至於刳孕斲脛蓋齊文宣之比耳商之衰也久矣一變而盤庚之書則卿大夫不從君令再變而微子之書則小民不畏國法至於壞竊神祇之犧牲牲用以容將食無災可謂民玩其上而威刑不立者矣原注史記燕王喜遺樂間書曰紂之時民志不入獄囚自由卽以中主守之猶不能保而況以紂之狂酗昏虐又祖伊奔告而不省乎文宣之惡未必減於紂而齊以強高緯之惡未必甚於文宣而齊以亡者文宣承神武之餘紀綱粗立而又有楊愔輩爲之佐主昏於上而政清於下也至高緯而國法蕩然

矣故宇文得而取之然則論紂之亡武之興而謂以至仁
伐至不仁者偏辭也未得爲窮源之論也漢成案亭林痛
明季之典章廢
壞故發憤言之其實涵酒逞威國法蕩然皆不仁也不
仁而可與言則何亡國敗家之有安得謂非窮源之論

武王伐紂

武王伐商殺紂而立其子武庚宗廟不毀社稷不遷時殷
未嘗亡也所以異乎曩日者不朝諸侯不有天下而已故
書序言三監及淮夷叛周公相成王將黜殷作大誥又言
成王既黜殷命殺武庚原注荀子言周公殺管叔虛殷國
注虛讀爲墟謂殺武庚遷殷頑民
於雒邑朝
歌爲墟也是則殷之亡其天下也在紂之自燔而亡其國
也在武庚之見殺蓋武庚之存殷者猶十有餘年使武庚
不畔則殷其不黜矣

武王克商天下大定裂土奠國乃不以其故都封周之臣

而仍以封武庚降在侯國而猶得守先人之故土

原注秦

曰乃致辟管叔於商武王無富天下之心而不以叛逆之

武庚未殺猶謂之商

事疑其子孫所以異乎後世之篡弑其君者於此可見矣

及武庚既畔乃命微子啓代殷而必於宋焉謂大火之祀

商人是因弗遷其地也是以知古聖王之征誅也取天下

而不取其國誅其君弔其民而存先世之宗祀焉斯已矣

原注高誘淮南子注曰天子不滅國諸侯不滅姓古之政也武王豈不知商之臣民其

不願爲周者皆故都之人公族世家之所萃流風善政之

所存一有不靖易爲搖動而必以封其遺囑蓋不以畔逆

疑其子孫而明告萬世以取天下者無滅國之義也故宋

公朝周則曰臣也周人待之則曰客也自天下言之則侯

服於周也自其國人言之則以商之臣事商之君無變於

其初也平王以下去微子之世遠矣而曰孝惠娶於商原注

左氏哀二曰天之棄商久矣原注僖二曰利以伐姜不利

子商原注哀吾是以知宋之得為商也原注國語吳王夫

商魯之間莊子商太宰蕩問仁於莊子韓非子子圍見孔

子於商太宰商太宰使少庶子之市逸周書王會篇堂下

之左商公夏公立焉樂記商者五帝之遺聲也商人識

之故謂之商鄭氏注曰商宋詩也閻氏曰按左傳哀二十

四年孝惠娶于商此宗人魯夏對魯哀公之言宋林氏注

曰稱商不稱宋者避定公諱也天之棄商久矣不曰棄宋

而曰棄商者即下文寡人雖亡國之餘之意亦一姓不再

興之說也今取以證宋得為商竊恐顧氏未識當時立言

之意宋人為鹿上之盟以求諸侯於楚公子目夷曰小國

爭盟禍也宋其亡乎此處斷宜稱宋則彼處稱商正可意

會利以伐姜不利子商不曰伐齊與宋而變文言姜言商

者取與上文陽兵協韻固古人文字之常下文伐齊則可

敵宋不吉不用協誦便直稱齊宋本號則可見矣蓋自武庚誅而宋復封於是商

人曉然知武王周公之心而君臣上下各止其所無復有

怨懟不平之意與後世之人主一戰取人之國而毀其宗

廟遷其重器者異矣

原注樂記曰投殷之後於宋此本之呂氏春秋乃戰國時人之妄言以武

王下車卽封微子更誤

或曰遷殷頑民於維維邑何與曰以頑民爲商俗靡靡之民者先儒解誤也蓋古先王之用兵也不殺而待人也仁束征之役其誅者事主一人武庚而已謀主一人管叔而已下此而囚下此而降下此而遷而所謂頑民者皆畔逆之徒也無連坐并誅之法而又不可以復置之殷都是不得不遷而又原其心不忍棄之四裔故於維維邑又不忍斥言

其畔故止曰殷頑民其與乎畔而遷者大抵皆商之世臣
大族而其不與乎畔而留於殷者如祝佗所謂分康叔以
殷民七族陶氏施氏繁氏錡氏樊氏饒氏終葵氏是也閻氏曰是以陶氏施氏繁氏錡氏樊氏饒氏終葵氏爲殷之庶民矣則上文分魯公以殷民六族使帥其宗氏輯其分族將其醜類以法則周公用卽命於周是使之職事於魯一則曰宗氏再則曰分族尙得謂非商之世臣大族乎豈同一氏族而分於康叔者非盡一國而遷之也或曰何以知獨爲民乎此不可解其爲畔黨也曰以召公之言雖民知之不畔何以言雖非敵百姓也古聖王無與一國爲讎者也

上古以來無殺君之事湯之於桀也放之而已使紂不自焚武王未必不以湯之所以待桀者待紂紂而自焚也此武王之不幸也當時八百諸侯雖並有除殘之志然一聞

其君之見殺則天下之人亦且恫疑震駭而不能無歸過於武王此伯夷所以斥言其暴也及其反商之政封殷之後人而無利於其土地焉天下於是知武王之兵非得已也然後乃安於紂之亡而不以爲周師之過故箕子之歌怨狡童而已無餘恨焉非伯夷親而箕子疏又非武王始暴而終仁也其時異也

多士之書惟三月周公初于新邑洛用告商王士曰非我小國敢弋殷命亡國之民而號之商王士新朝之主而自稱我小國以天下爲公而不沒其舊日之名分殷人以此中心悅而誠服卜世三十卜年七百其始基之矣

秦誓

商之德澤深矣尺地莫非其有也一民莫非其臣也武王伐紂乃曰獨夫受洪惟作威乃汝世讎曰肆予小子誕以爾眾士殄殲乃讎何至於此紂之不善亦止其身乃至并其先世而讎之豈非秦誓之文出於魏晉閒人之偽誤者邪

原注蔡氏曰秦誓武成一篇之中似非盡出一人之口又引吳氏言疑其書之晚出或非盡當時之本文蓋已見及乎此特以注家之體未敢直言其僞耳楊氏曰世讎言乃祖乃父罹其凶虐非并其先世而讎之

朕夢協朕卜襲于休祥戎商必克伐君大事而託之乎夢其誰信之殆卽呂氏春秋載夷齊之言謂武王揚夢以說

眾者也

原注左傳昭七年衛史朝之言曰並襲于夢武王所用也是當時已有此語

孟子引書王曰無畏寧爾也非敵百姓也若崩厥角稽首今改之曰罔或無畏寧執非敵百姓懷懷若崩厥角後儒

雖曲爲之說而不可通矣

百姓有過在予一人

百姓有過在予一人凡百姓之不有康食不虞天性不迪率典皆我一人之責今我當順民心以誅無道也蔡氏謂民皆有責於我似爲紆曲

楊氏曰蔡傳因下有今朕必往爲義

王朝步自周

武成王朝步自周于征伐商召誥王朝步自周則至于豐畢命王朝步自宗周至于豐不敢乘車而步出國門敬之至也

原注馬氏曰豐文王廟所在鄭氏以爲出廟入廟皆步行今按書言步自周則不但於廟也雍錄以爲步

行二十五里

後之人君驕恣惰佚於是有輦而行國中坐

而見羣臣非先王之制矣

原注皇帝輦出房見於漢書叔孫通傳乃秦儀也沈氏曰西河

毛氏經問云字書輦行曰步謂以人行車故字以二夫行車爲形而義卽因之考雜記有士輿與天子同者三一一是乘人又問禮中車下王后有五路一是輦車以人挽之此非古車不用人可知也

呂氏春秋出則以輿入則以輦務以自佚命之曰招蹕之

機原注枚乘七發本此作輿宋呂大防言前代人主在宮禁之中

亦乘輿輦祖宗皆步自內庭出御前殿此勤身之法也原注

周輝清
波雜志

太祖實錄吳元年上以諸子年長宜習勤勞使不驕惰命內侍製麻屨行膝每出城稍遠則馬行其二步趨其一至崇禎帝亦嘗步禱南郊嗚呼皇祖之訓遠矣

大王王季

中庸言武王末受命周公成文武之德追王大王王季莊

郎曰追王大王王季不追諡繫王迹所起實則商之諸侯也必尊文王為大祖則不以干商先王之統明矣楊氏曰據中庸本文亦只是周公所定大傳言武王於牧之野既事而退遂率天下諸侯執豆籩駿奔走追王大王亶父王季歷文王昌二說不同今按武成言丁未祀于周廟而其告庶邦豕君稱大王王季金縢之冊祝曰若爾三王是武王之時已追王大王王季而中庸之言未為得也沈氏曰陳諒直云武王受命之日年已垂暮周公以母弟而為相一代制作皆出其手故以成德歸之中庸之意元不指踐阼以後後人自誤縣之詩上稱古公亶父下稱文王是古公未上會其指耳

尊號之先文已稱王而大傳之言未為得也

汝成案詩疏云後世稱前

世曰古公猶云先王先公也太王追號為王不稱王而稱公者此本其生時之事故言生存之稱也詩人追頌多侈尊號然或意別始終則辭分文質未可以此疑文之稱王在追王前也又攷詩禮記疏多言文王稱王在漢崇後而

沖遠書疏又言文王斷虞芮訟後改稱元年文王既未稱
王而得改元者諸侯自于其國各稱元年云云若然則虞
芮質成文尚未正王號大傳之言不為失也蓋追王之禮
斷自武王至周公追王云者此是以天子禮改葬太王王
季非上尊號也先生及仁山金氏曰武王舉兵之日已稱
王矣故類於上帝行天子之禮而稱有道曾孫周王發必
非史臣追書之辭後之儒者乃嫌聖人之事而文之非也
然文王之王與大王王季之王自不同時而追王大王王
季必不在周公踐阼之後原莊疑武王未克商先已追尊
文王史記伯夷傳西伯卒武王

載木主號為
文王東伐紂

彝倫

彝倫者天地人之常道如下所謂五行五事八政五紀皇
極三德稽疑庶徵五福六極皆在其中不止孟子之言人

倫而已能盡其性以至能盡人之性盡物之性則可以贊天地之化育而彝倫敘矣陽氏曰五事八政之屬該以人倫略無遺漏故曰達道

龜從筮逆

古人求神之道不止一端故卜筮並用而終以龜為主周禮筮人言凡國之大事先筮而後卜注當用卜者先筮之即事有漸也於筮之凶則止不卜然而洪範有龜從筮逆者則知古人固不拘乎此也大卜掌三兆之法其經兆之

體皆百有二十其頌皆千有二百故傳曰筮短龜長原注左傳

晉獻公將以驪姬爲夫人卜之不吉筮之吉卜人曰筮短龜長不如從長注物生而後有象象而後有滋滋而後有數龜象筮數故象長數短曲禮正義曰凡物初生則有象去初既近且包羅萬形故爲長數是終末去初既遠推尋事數始能求象故以爲短也自漢以下文帝代來猶有大橫之兆藝文

志有龜書五十三卷夏龜二十六卷南龜書二十八卷巨龜三十六卷維龜十六卷而後則無聞唐之李華遂有廢龜之論矣原注舊唐書

周公居東

主少國疑周公又出居於外而上下安寧無腹心之患者二公之力也武王之誓眾曰予有亂臣十人同心同德於此見之矣荀子曰二公仁智且不蔽故能持周公而名利

福祿與周公齊

徐鴻博曰魯世家人或譖周公周公奔楚

尾樂水鬻其墓

季婦鼎銘曰王在新楚秦地括地志終南山一

十三年迺晉侯于新楚杜注新楚秦地括地志終南山一

名楚山在雍州萬年縣南五十里武王墓在萬年縣西南

三十里周公奔楚當是因流言出居依于王季武王之墓

地必非遠涉東都也莊大令曰洛誥曰惟周公誕保文武

受命惟七年尙書大傳曰一年教亂二年克殷三年踐奄

四年建侯衛而封康叔五年營成周洛邑六年制禮作樂
七年致政亳無辟居之事以詩考之蓋成王諒闇周公爲
冢宰百官總己以聽除喪後周公卽東征東征之二年成
王威風雷之變迎周公于奄則誕保受命自東征始小豔
雖東征以後之事亦在七年之中且書所謂七年蓋成王
卽位之九年書綜其年數故言七年非謂紀年也而鄭乃
謂周公攝政稱元年及致政成王而又改元此皆尸佼孫
卿之徒創爲邪說以爲亂臣賊子所藉口漢儒襲誤承謬
遭新莽之篡緣飾經藝侮亂天常猶不能悟誠可爲憤歎者矣

微子之命

微子之於周蓋受國而不受爵受國以存先王之祀不受
爵以示不爲臣之節故終身稱微子也原注孔氏書傳曰微纘內國名子爵
也微子卒立其弟衍是爲微仲衍之繼其兄繼宋非繼微
也而稱微仲者何猶微子之心也沈氏曰毛西河經問云微子仍封微爲子又改
封宋爲公則受爵矣承殷祀以守三恪則既爲周臣復爲
周賓矣若終身稱微子而不稱宋公此史例有然猶康叔

改封衛侯亦終身稱康叔不稱衛侯也其弟衍未嘗封微而仍稱微仲亦史例也周有同封而同稱者微仲號叔是也微仲不同封也有先後立國而亦同稱者吳太伯吳仲雍是也微仲同宋國未嘗同微國也然而稱微仲者其稱微則以國君介弟原得稱兄之國號以為號春秋書吳季是也其稱仲則以既為國君仍得稱己之字以為字詩序秦仲是也至於衍之子稽則遠矣於是始稱宋公嗚呼吾皆史例也

於洪範之書言十有三祀微子之命以其舊爵名篇而知武王周公之仁不奪人之所守也後之經生不知此義而抱器之臣倒戈之士接迹於天下矣按成案先生之義甚義似不必然康誥不曰衛誥康王之誥文侯之命生而稱謚且篇中明言建爾于上公周既命之微子當無不受之理此亦是史臣原文爾又前沈氏引毛西河經問云春秋書吳季是也攷春秋止書蔡季紀季無吳季毛氏誤也

酒誥

酒為天之降命亦為天之降威紂以醇酒而亡文王以不

願於酒而興興亡之幾其原皆在於酒則所以保天命而畏天威者後人不可不謹矣

召誥

古者吉行日五十里故召公營洛乙未自周戊申朝至於洛凡十有四日師行日三十里故武王伐紂癸巳自周戊午師渡孟津凡二十有五曰漢書以爲三十一日誤

元子

微子之命以微子爲殷王元子召誥則又以紂爲元子曰皇天上帝改厥元子茲大國殷之命又曰有王雖小元子哉人君謂之天子故仁人之事天如事親

其稽我古人之德

傳說之告高宗曰學于古訓乃有獲武王之誥康叔既祗
適乃文考而又求之殷先哲王又求之商考成人又別求
之古先哲王大保之戒成王先之以稽我古人之德而後
進之以稽謀自天及成王之作周官亦曰學古入官曰不
學牆面子曰述而不作信而好古又曰好古敏以求之又
曰君子以多識前言往行以畜其德先聖後聖其揆一也
不學古而欲稽天豈非不耕而求穫乎

節性

降衷于下民若有恆性此性善之說所自出也節性惟日
其邁此性相近之說所自出也豈弟君子俾爾彌爾性似
先公酋矣命也有性焉君子不謂命也

汝其敬識百辟享

人主坐明堂而臨九牧不但察羣心之向背亦當知四國之忠姦故嘉禾同穎美侯服之宣風底貢厥獒戒明王之慎德所謂敬識百辟享也昔者唐明皇之致理也受張相千秋之鏡聽元生于薦之歌亦能以審諤爲珠璣以仁賢爲器幣及乎王心一蕩佞諛日崇開廣運之潭致江南之貨廣陵銅器京口綾衫錦纜牙檣彌互數里靚妝鮮服和者百人乃未幾而薊門之亂作矣然則韋堅王鉷之徒剝民以奉其君者皆不役志于享者也易曰公用享于天子小人弗克若明皇者豈非享多儀而民曰不享者哉

惟爾王家我適

朝覲者不之殷而之周訟獄者不之殷而之周於是周爲天子而殷爲侯服矣此之謂惟爾王家我適

王來自奄

政成案王會之先生宋度宗咸淳十年卒未嘗入元先生注稱爲元儒者誤

多方之誥曰惟五月丁亥王來自奄而多士王曰昔朕來

自奄是多方當在多士之前後人倒其篇第耳

原注元儒王柏論亦

同此但更置奄之叛周是武庚既誅而懼遂與淮夷徐戎

並興而周公東征乃至於三年之久孟子曰伐奄三年討

其君是也

原注伐奄成王時事上言相武王因誅紂而連言之耳

既克而成王踐奄

蓋行巡狩之事書序成王既踐奄將遷其君於蒲姑是也

原注多方篇云周公曰王若曰是

孔傳以爲奄再叛者拘

於篇之先後而強爲之說

原注至于再至于三當從蔡氏說

建官惟百

成王作周官之書謂唐虞稽古建官惟百而夏商官倍者時代不遠其多寡何若此之懸絕哉且天下之事一職之微至於委吏乘田亦不可闕而謂二帝之世遂能以百官該內外之務吾不敢信也攷之傳注亦第以爲因時制宜而莫詳其實吾以爲唐虞之官不止於百而其咨而命之者二十有二人其餘九官之佐及胥伯與朱虎熊羆之倫暨侍御僕從以至州十有二師外薄四海咸建五長以名達於天子者不過百人而已其他則穆王之命所謂慎簡乃僚而天子不親其黜陟者也故曰堯舜之知而不徧物急先務也堯舜之仁不徧愛人急親賢也夏商之世法日

詳而人主之職日侵於下其命於天子者多故倍也觀於立政之書內至於亞旅外至於表臣百司而夷微盧丞三毫阪尹之官又虞夏之所未有則可知矣杜氏通典言漢初王侯國百官皆如漢朝惟丞相命於天子其御史大夫以下皆自置及景帝懲吳楚之亂殺其制度罷御史大夫以下官至武帝又詔凡王侯吏職秩二千石者不得擅補其州郡佐吏自別駕長史以下皆刺史太守自補歷代因而不革洎北齊武平中後主失政多有佞幸乃賜其賣官分占州郡下及鄉官多降中旨故有敕用州主簿郡功曹者自是之後州郡辟士之權寢移於朝廷以故外吏不得精覈由此起也故劉炫對牛宏以爲大小之官悉由吏部

趙氏曰隋書劉炫對牛弘謂往者州惟置綱紀郡置守丞
縣置令而已其具僚則長官自辟今則大小之官悉由吏
部據此則天下官員盡歸部選之制實自隋始也然吏歸
部選則朝廷之權不下移若聽長官辟置無論末流澆漓
資緣賄賂之風必甚即其中號為賢智者亦多以意氣此
微恩致其私感以致成黨援門戶背公向私者比比也此
政之所以日繁而沈既濟之議欲令六品以下及僚佐之
屬許州府辟用原注唐書百官志曰初太宗省內外官定制為七百三十員曰吾以此待天下賢才
足後之人見周禮一書設官之多職事之密以為周之所
以致治者如此而不知宅乃事宅乃牧宅乃準之外文王
罔敢知也然則周之制雖詳而意猶不異於唐虞矣求治
之君其可以天子而預銓曹之事哉

司空

司空孔傳謂主國空土以居民未必然顏師古曰空穴也

古人穴居主穿土爲穴以居人也

原注見漢書百官公卿表注此語必有所本

易傳云上古穴居而野處詩云古公亶父陶復陶穴未有

家室今河東之人尙多有穴居者

原注今人謂窯卽古陶字莊子言逃虛空虛空

卽今人所謂冷窯也

洪水之後莫急於奠民居故伯禹作司空爲九

官之首

顧命

讀顧命之篇見成王初喪之際康王與其羣臣皆吉服而

無哀痛之辭以召公畢公之賢反不及于產叔向誠爲可

疑再四讀之知其中有脫簡

原注不言殯禮知是闕文豈有新君已朝諸侯而成王尙

未殯史官略無一言記及者乎

而狄設黼屨綴衣以下卽當屬之康王之

誥

原注伏生本以顧命康王之誥合爲一篇

自此以上記成王顧命登遐之事

自此以下記明年正月上日康王卽位朝諸侯之事也古
之人君於卽位之禮重矣故卽位於廟受命於先王祭畢
而朝羣臣羣臣布幣而見然後成之爲君春秋之於魯公
卽位則書不卽位則不書蓋有遭時之變而不行此禮如
莊閔僖三公者矣康王當太平之時爲繼體之主而史錄
其儀文訓告以爲一代之大法此書之所以傳也記曰未
沒喪不稱君而今書曰王麻冕黼裳是踰年之君也又曰
周卒哭而祔而今日諸侯出廟門侯是已祔之後也原注
卒哭曰成事是日傳言天子七月而葬同軌畢至而今太
也以吉祭易喪祭保率西方諸侯畢公率東方諸侯是七月之餘也因其中
有脫簡而後之說書者並以繫之越七日癸酉之下所以

生後儒之論而不思初崩七日之間諸侯何由而畢至乎

原注蘇氏亦知其不通或以爲問疾之諸侯或曰易吉可乎曰此周公所制之

禮也以宗廟爲重而不敢凶服以接乎神釋三年之喪以

盡斯須之敬此義之所在而天子之守與士庶不同者也

商書有之矣惟元祀十有二月乙丑伊尹祠于先王奉嗣

王祇見厥祖豈以喪服而入廟哉

原注漢書孝文紀元年冬十月辛亥皇帝見於

高廟蓋猶循此制楊氏曰觀孝文十月則知商十二月矣

傳賢之世天下可以無君故堯崩三年之喪畢舜避堯之

子於南河之南傳子之世天下不可無君故惟元祀十有

二月乙丑伊尹祠于先王奉嗣王祇見厥祖

楊氏曰堯老舜攝義自明

天下可以無君之說殆非

自狄設黼展綴衣以下皆陳之朝者也設四席者朝羣臣聽政事養國老燕親屬皆新天子之所有事而非事亡之說也自王麻冕黼裳以下皆廟中之事也自王出在應門之內以下則康王臨朝之事也

周之末世固有不待葬而先見廟者矣左傳昭二十二年夏四月乙丑王崩于榮錡氏五月庚辰見王六月丁巳葬景王其曰見王者見王子猛於先王之廟也不待期而見王猛不待期而葬景王則以子朝之爭國也然不言卽位但曰見王而已孰謂成康無事之時而行此變禮也

書之脫簡多矣如武成之篇蔡氏以爲尙有闕文洛誥戊辰王在新邑則王之至洛可知乃二公至洛並詳其月日

而王不書金氏以爲其問必有闕文蓋伏生老而忘之耳
然則顧命之脫簡又何疑哉賓牟賈言若非有司失其傳
則武王之志荒矣余於顧命敢引之以斷千載之疑鳳氏曰天子諸侯在喪卽位有定所有定期康王之誥曰王出在應門之內應門內卽路門外治朝之君位天子諸侯三朝惟治朝日視爲正朝卽位於此所以示臣民之有君定獄志杜奸萌也天子如是諸侯亦然特天子在路門外庭直門中諸侯避天子在路門外庭之左故聘禮曰君朝服出門左南鄉此卽位之所之一定者也康王之誥本與顧命爲一篇天子七日而殯癸酉伯相命士須材上湯乙丑巳九日大夫以上斂殯諸死事不數死日故七日壬申殯癸酉爲殯明日也而受顧命于是日卽位亦于是日則嗣王殯明日卽位周公之制也諸侯亦然春秋定公元年六月癸亥公之喪至自乾侯戊辰公卽位喪至于癸亥則以爲薨于壬戌者然故丁卯殯而公卽位于戊辰亦殯明日故杜注曰諸侯五日而殯殯則嗣君卽位夫卽位卽所云視朝後世謂之臨朝所謂示臣民之有君者如此而諸侯亦可推此卽位之期之一定者也自僞伊訓暗襲舜格文祖之文又襲太保畢公率諸侯入應門之典而曰奉嗣王祗見

厥祖侯甸羣后咸在似卽位必先見祖不知格文祖者舜
已終喪終喪親政固宜見祖在喪無見祖之禮又僞伊訓
與見祖聯文似卽位必于廟者胡文定春秋傳蔡九峰書
傳本之不知卽位所以示臣民有君正當在治朝經傳亦
無在廟之文也公羊以春秋元年正月書卽位者七公遂
謂諸侯踰年卽位知天子亦踰年卽位不知春秋七書元
年正月公卽位者皆識也始于桓而咸于文後遂習以爲
常耳蓋桓公因弑生疑遲回以探探志至踰年而始敢行
卽位之禮經書之志變古也文之正月卽位者僖公薨于
十二月乙巳春秋長歷十二月無乙巳大抵迫歲暮故緩
至正月耳且嗣君卽位非踰年左氏亦有明文莊公八月
薨傳卽日子般卽位而十月傳曰賊子般文七年四月宋
成公卒傳曰昭公卽位而葬有康王定公可徵則子般宋
昭卽位殯明日可推也隱元年經前傳曰隱公立而奉之
莊三十三三年傳曰立閔公閔公二年傳曰立僖公莊公亦
必卽位于桓公十八年四月喪至後六日故隱閔莊僖元
年正月經皆不書卽位而傳又各釋其故曰攝曰夫人出
曰亂曰公出者左氏似亦據元年正月七書公卽位者爲
典從而爲之辭而不知適與子般宋昭未踰年明言卽位
者自相矛盾也夫天子諸侯在喪卽位之期之所味雜如
是惟願命康王之誥可以正之後人轉據伊訓公羊疑駁
願命康王之誥不幾倒置耶胡氏曰自古嗣君受願命之

禮僅見于書之成康蘇氏謂冕服非禮引孔子因喪服以冠之義夫朝廷典禮當直舉本義雜取他文以意通之非也以喪服冕蟻裳亦非純用祭服故注云無事於奠祝故不同麻冕蟻裳亦非純用祭服故注云無事於奠祝故純用吉服有位于班列不可純用凶服酌吉凶之間示禮之變此非倉猝所定或古來相承如此耳大行初喪不可一日無君又不可遽行卽位之禮嗣王定位于初喪以主喪之位定其爲君天子無咎諸侯之禮嗣王定位于初喪以主拜稽顙之禮御王冊命則咎拜觀見諸侯不在喪次而亦咎拜且對其臣稱名皆非常朝比也至列國大夫欲以弔喪而因見新君則去旣殯卽位已久故叔向以喪禮未畢距之與此不同也汝成案公羊傳正棺兩楹之間然後卽位此語必有所本天子七日而殯此書云越七日癸酉伯相命士須材供饋塗也所以殯也自此以下受冊命于大行柩前卽出見諸侯于治朝然後反而成服皆癸酉日事于事于清于禮意無不協者旣殯而後衰麻殯時尙服端但髻髮腰經耳無脫衰襲吉之嫌也

矯虔

說文矯從矢揉箭也故有用力之義漢書孝武紀注引韋

昭曰稱詐爲矯強取爲虔周語注以詐用法曰矯

罔中于信以覆詛盟

國亂無政小民有情而不得申有冤而不見理於是不得不愬之於神而詛盟之事起矣蘇公遇暴公之譖則出此三物以詛爾斯屈原遭子蘭之讒則告五帝以折中命咎繇而聽直至於里巷之人亦莫不然而鬼神之往來於人間者亦或著其靈爽於是賞罰之柄乃移之冥漠之中而蚩蚩之氓其畏王鈇常不如其畏鬼責矣乃世之君子猶有所取焉以輔王政之窮今日所傳地獄之說感應之書皆苗民詛盟之餘習也明明斐常鰥寡無蓋則王政行於上而人自不復有求於神故曰有道之世其鬼不神所謂

絕地天通者如此而已矣胡氏曰鬼神者前聖尊而稱之人心者也王道大明作福作災於己取之蓋無所事於神矣道之不明理不可信不得不求救於神以免意外之禍愚民小夫緣此冀無端之福武人劇盜賴首像設之前出廟門而行殺度九黎亂德之世大都如此書曰伯夷降典折民惟刑蓋折民邪妄惟當示以典禮典禮勝邪安息矣其不度於禮者刑必施焉故狄公毀淫祠折以刑之謂也
文侯之命

竹書紀年幽王三年嬖褒姒五年王世子宜曰出奔申八年王立褒姒之子伯盤原注古服字與盤字相似而誤爲太子九年申侯

聘西戎及鄩十年王師伐申十一年申人鄩人及犬戎入周弑王及王子伯盤申侯魯侯許男鄭子立宜曰於申號公翰立王子余臣於攜周二王並立平王元年王東徙維邑晉侯會衛侯鄭伯秦伯以師從王入於成周二十一年

晉文侯殺王子余臣於攜

原注左傳昭二十六年王子朝告諸侯之辭曰攜王奸命諸侯

替之而建王嗣杜氏以攜王爲伯服蓋失之不攷穆氏曰觀左傳後序則成侯已見竹書但不甚信之耳並非失攷

然則文侯之命報其立己之功而望之以殺攜王之效也

鄭公子蘭之從晉文公而東也請無與圍鄭晉人許之今

平王既立於申

原注申國在今信陽州

自申遷於維邑而復使周人

爲之戍申

原注竹書紀年平王三十三年楚人侵申三十六年王人戍申則申侯之伐幽

王之弑不可謂非出於平王之志者矣當日諸侯但知其

豕嗣爲當立而不察其與聞乎弑爲可誅號公之立王子

余臣或有見乎此也自文侯用師替攜王以除其偏而平

王之位定矣後之人徒以成敗論而不察其故遂謂平王

能繼文武之緒而惜其棄岐豐七百里之地豈爲能得當

日之情者哉孔子生於二百年之後蓋有所不忍言而錄

文侯之命於書錄揚之水之篇於詩其旨微矣

原注葛藟詩序謂平

王棄其九族似亦未可盡非古今人表以

傳三平王東

遷蓋周之臣子美其名爾綜其實不然凡言遷者自彼而

之此之辭盤庚遷于殷是也幽王之亡宗廟社稷以及典

章文物蕩然皆盡鎬京之地已爲西戎所有平王乃自申

東保於維天子之國與諸侯無異而又有攜王與之頡頏

並爲人主者二十年其得存周之祀幸矣而望其中興哉

原注如東晉元帝不可謂之遷於建康汝成案春秋起平王末年而託始于讓位之隱或亦有微意歟

秦誓

有秦誓故列秦誓有秦詩故錄秦詩述而不作也謂夫子

逆知天下之將并於秦而存之者

原注邵子說

小之乎知聖人

矣秦穆公之盛僅霸西戎未嘗爲中國盟主無論齊桓晉

文卽亦不敢望楚之靈王吳之夫差合諸侯而制天下之

柄春秋以後秦蓋中衰吳淵穎

原注

曰秦之興始於孝公

之用商鞅成於惠王之取巴蜀蠶食六國并吞二周戰國

之秦也非春秋之秦也其去夫子之卒也久矣

原注自漢麟之歲以

至始皇滅六國并

天下二百六十年夫子惡知周之必并於秦哉若所云後

世男子自稱秦始皇入我房顛倒我衣裳至沙丘而亡者

近於圖澄寶誌之流非所以言孔子矣

甘誓天子之事也因征諸侯之事也並存之見諸侯之事

可以繼天子也費誓秦誓之存猶是也

古文尙書

汝成案原注師古曰中者云云考志無此注當是儒林傳注中書天子所藏之書也誤文

漢時尙書今文與古文爲二而古文又自有二漢書藝文

志曰尙書古文經四十六卷爲五十七篇師古曰孔安國

書序云凡五十九篇爲四十六卷承詔作傳引序各冠其

篇首定五十八篇鄭元序贊云後又亡其一篇故五十七

又曰經二十九卷大小夏侯二家歐陽經三十二卷

原注

生字和伯史失其名夏侯勝從兄子建皆傳伏生尙書師古曰此二十九卷伏生傳

授者原注內泰誓非伏生所傳師古并言之詳見下此今文與古文爲二也又曰

古文尙書者出孔子壁中武帝末魯共王壞孔子宅欲以

廣其宮而得古文尙書及禮記論語孝經凡數十篇皆古

字也其王往入其宅聞鼓琴瑟鍾磬之音於是懼乃止不

壤孔安國者孔子後也悉得其書以攷二十九篇得多十

六篇

原注師古曰見行世二十九篇之外更得十六篇

安國獻之遭巫蠱事未列

於學官劉向以中古文

原注師古曰中者天子之書也

校歐陽大小夏侯

三家經文酒誥脫簡一召誥脫簡二率簡二十五字者脫

亦二十五字簡二十二字者脫亦二十二字文字異者七

百有餘脫字數十

原注志自云此所述者本之劉歆七略不知中古文卽安國所獻否及王莽末

遭赤眉之亂焚燒無餘

儒林傳曰孔氏有古文尙書孔安國以今文

字讀之因以起其家逸書得十餘篇蓋尙書茲多於是矣

原注言此爲最多者明張霸加之以百二篇爲僞

遭巫蠱未立於學官安國爲諫

大夫授都尉朝都尉朝授膠東庸生庸生授清河胡常少

子又傳左氏常授號徐敖又傳毛詩授王璜平陵塗惲子

真子真授河南桑欽君長王莽時諸學皆立原注傳未又言平帝時立

左氏春秋毛詩逸禮古文尚書而後劉歆為國師璜憚等漢書十四博士無之蓋光武帝時廢

皆貴顯原注言劉歆者哀帝時歆移書太常博士欲立此諸家之學故也又曰世所傳百

兩篇者出東萊張霸分析合二十九篇以為數十原注或

或合又采左氏傳書序為作首尾凡百二篇篇或數簡文

意淺陋成帝時求其古文者霸以能為百兩徵以中書校

之非是此又孔氏古文與張霸之書為二也後漢書儒林

傳曰孔僖魯國魯人也自安國以下世傳古文尚書又曰

扶風杜林傳古文尚書林同郡賈逵為之作訓原注賈逵傳蕭宗好

古文尚書詔達譏歐陽大小夏侯馬融作傳鄭元注解由尚書古文同異為三卷帝善之

是古文尚書遂顯於世又曰建初中詔高才生受古文尚

書毛詩穀梁左氏春秋雖不立學官然皆擢高第爲講郎

給事近署然則孔僖所受之安國者竟無其傳而杜林賈

逵馬融鄭元則不見安國之傳而爲之作訓作傳作注解

此則孔鄭之學又當爲二而無可攷矣

錢氏曰杜林及賈

文卽安國真古文但非梅賾所獻之古文爾

劉陶傳曰陶明尙書春秋爲之訓

詁推三家尙書及古文是正文字三百餘事名曰中文尙

書

原注言參用今古文之中

漢末之亂無傳若馬融注古文尙書十

卷鄭元注古文尙書九卷則見於舊唐書藝文志

原注又有王肅

范甯李

園姜道成注古文尙書新唐書作姜道盛

開元之時尙有其書而未嘗亡

也按陸氏釋文言馬鄭所注二十九篇則亦不過伏生所

傳之二十八

原注一堯典并舜典慎微以下爲一篇二皋陶謨并益稷爲一篇三禹貢四甘誓五湯誓

六盤庚七高宗彤日八西伯戡黎九微子十牧誓十一洪範十二金縢十三大誥十四康誥十五酒誥十六梓材十七召誥十八洛誥十九多士二十無逸二十一君奭二十二多方二十三立政二十四顧命并康王之誥為一篇二十五呂刑二十六文侯之命而泰誓別得之民間合之為二十七費誓二十八秦誓

二十九原注孔氏正義曰史記及漢書儒林傳云伏生獨得二十九篇以教齊魯然泰誓非伏生所得按馬融云泰誓後得鄭園書論亦云民間得泰誓別錄曰武帝末民有得泰誓書於壁內者獻之則泰誓非伏生所傳而言二十九篇者以司馬遷在武帝之世見泰誓出而得行人於伏生所傳內故為史總之云伏生所出不復曲別分析其實得時不與且非今之泰誓原注有白魚入於王舟伏生所傳同也

其所謂得多十六篇者不與其間也隋書經籍志曰馬融

鄭元所傳惟二十九篇又雜以今文非孔子舊書自餘絕

無所說原注正義曰鄭氏書於伏生所傳之外增益二十四篇舜典一汨作二九工九篇十一大禹謨十二

益稷十三五子之歌十四危征十五湯誥十六咸有一德十七典寶十八伊訓十九肆命二十原命二十一武成二

十二旅葵二十三問命二十四以一篇為一卷九共九篇
合為一卷通十六卷以合於漢藝文志得多十六篇之數
此即張霸之徒所作偽書也與舊唐書所載卷目不同
錢氏曰謂鄭氏所傳增益二十四篇為張霸之徒所作者
孔穎達晉世祕府所存有古文尚書經文今無有傳者及
之臆說

永嘉之亂歐陽大小夏侯尚書並亡至東晉豫章內史梅

賾始得安國之傳上之

原注正義引晉書云太保鄭沖以古文授扶風蘇愉愉授天水梁柳

柳授城陽臧曹曹授汝南梅賾遂上其書又云其書亡失

舜典一篇此書東京以下諸儒皆不曾見鄭園注禮記

韋昭注國語杜預注左氏趙岐注

增多二十五篇原注大

孟子凡引此書文並注云逸書

增多二十五篇原注大

五子之歌二允征三仲虺之誥四湯誥五伊訓六大甲三

篇九成有一德十說命三篇十三泰誓三篇十六武成十

七旅葵十八微子之命十九蔡仲之命二十周官二十五

以

一君陳二十二畢命二十三君牙二十四問命二十五以

合於伏生之二十八篇而去其偽泰誓又分舜典益稷盤

庚中下康王之誥各自為篇則為今之五十八篇矣其舜

庚中下康王之誥各自為篇則為今之五十八篇矣其舜

典亡闕取王肅本慎微以下之傳續之

原注陸氏釋文云梅賾上孔氏傳古

文尚書亡舜典一篇時以王肅注頗類孔氏故取王注從慎微五典以下為舜典以續孔傳

齊明帝建

武四年有姚方興者於大航頭得本有曰若稽古帝舜以

下二十八字獻之朝議咸以為非及江陵板蕩其文北入

中原學者異之劉炫遂以列諸本第然則今之尚書其今

文古文皆有之二十三篇固雜取伏生安國之文而二十五

篇之出於梅賾舜典二十八字之出於姚方興又合而一

之孟子曰盡信書則不如無書於今日而益驗之矣

孫氏曰

書有四而偽者二亡者三一日漢文帝使鼂錯所受伏生尚書二十八篇秦誓後得大小夏侯為二十九歐陽三分

盤庚為三十一馬氏鄭氏三分秦誓又分顧命出康王之詰為三十四益以書序而為之注即隋經籍志所稱馬融

注尚書十一卷鄭元注尚書九卷也此二十八篇經文為伏生壁藏之餘見史記漢書儒林傳及藝文志據王充論

衡亦云伏生抱百篇藏山中景帝遣晁錯往從受尚書二十餘篇而僞孔安國序稱伏生失其本經口以傳授朱文公亦承其誤大背漢人之言蓋誤會備宏所云伏生使其女傳言教錯以爲口授經文不知宏所謂傳言者傳授經義非本文亦或卽是大傳也孔安國亦傳今文故史記云孔氏有古文尙書而安國以今文讀之當時謂伏生書爲今文蓋在孔壁科斗書旣出之後後稱今以別於古且秦時改篆用隸諸儒或以寫經以便循誦劉向旣以中古古文校三家經文脫簡脫字文字之異後漢杜林又得漆書古文賈逵譌歐陽大小夏侯尙書古文同異於是今文合於古文隋經籍志稱馬鄭所傳惟二十九篇又雜以今文是也馬鄭所注雖止伏生之書旣從張恭祖受逸十六篇分爲二十四又注壁中百篇之序遂題曰古文尙書而唐人猶謂此爲今文者以惑於僞古文也一日漢武帝末孔氏壁中所出古文尙書杜林得之西州鄭氏受之張恭祖皆卽其本較伏生書增多十六篇合於伏生書二十九篇并序爲四十六篇古者竹帛異施篇卷同耳故藝文志云古文經四十六卷而班固自注爲五十七篇者內分盤庚泰誓各爲三篇命爲二九共爲九除序數之五十八武成後亡故云五十七篇也古文增多篇無傳注故儒林傳稱司馬遷從安國問故而不言安國作傳馬氏稱爲逸無師說漢晉諸儒咸見其全書或稱爲逸書者非亡逸之謂謂逸在

伏生二十九篇之外也唐人疑爲不見古文或矣孔穎達
引束皙稱孔子壁中書將始宅殷隋經籍志云晉世秘府
所存有古文尚書經文又載有徐邈撰古文尚書一卷
梁五經博士劉勰注尚書逸篇二卷唐志有徐邈注三
卷陸德明稱永嘉喪亂注家之書並亡古文蓋絕於此時
也乃黜其書今遺文僅見王充論衡有云伊尹死大霧三
日是乃穎達誤以古文爲是張霸書詞可謂以不狂爲
引孔穎達誤以古文爲是張霸書詞可謂以不狂爲
自魏晉以來未見稱述蓋亡於漢也一日晉元帝時梅賾
所上尚書孔傳五十八篇引書序以冠各篇之首妄稱鄭
冲所傳古文齊姚方興又獻舜典有乃命以位已上二十
八字隋劉炫取而列諸本第始或格於朝議或不行於河
洛至孔穎達爲僞傳撰正義而鄭注漸微其時孔壁古文
久亡遂無能辨其眞僞故劉知幾史通稱姚方興采馬王
之義以造孔傳舜典舉朝集議咸以爲非北史儒林傳稱
南北章句好尚互有不同江左尚書則孔安國河洛尚書
則鄭康成隋經籍志則稱至隋孔鄭並行而鄭氏甚微也
今考梅賾書篇數與古不相應采會書傳又多舛錯大異
史遷所從孔安國問故之文與顯背鄭說者難更僕若因
征之以人名爲國旅葬之以酋豪爲犬尤可怪也伏生二
十九篇本文存此書中亦或刪改如二十有八載下改放勳

爲帝字說文引周書遽以記之今爲虞書帝曰毋若丹朱
傲禹曰予娶塗山云云皆脫帝曰禹曰嶺有孟子董仲舒
書史記漢書論衡可証耳僞孔古文尙書宋吳棫朱文公
嘗疑之當時不能博考以証其僞外近世閭若璩惠棟互
加考證別黑白而箴膏肓學者始知僞孔傳之非真古文
矣尙書一尼於秦火則百篇爲二十九再尼於建武而亡
武成三尼於永嘉則眾家書及古文盡亡四尼於梅賾則
以僞亂真而鄭學微五尼於孔穎達則以是爲非而馬鄭
之注亡於宋六尼於唐開元時詔衛包改古文從今文則
并僞孔傳中所存二十九篇本文失其真七尼於宋開寶
中李鄂刪定釋文則并陸
德明音義俱非其舊矣

竊疑古時有堯典無舜典有夏書無虞書而堯典亦夏書

也

孫氏曰案左傳文十八年明云虞書數舜之功曰慎微

二典

爲虞書大禹孟子引二十有八載放勳乃殂落而謂

之堯典則序之別爲舜典者非矣

趙氏曰案孟子咸邱蒙

載放勳乃殂落百姓如喪考妣三年四海遏密八音孟在

未焚書之前必親見尙書真本而引之爲堯典則此明是

堯典之文而晉人分在舜典中者誤也況史記堯本紀直
至禪位後二十八年殂落始畢凡今舜典所載察璣衡定
巡狩封山濬川制刑法誅四凶等事皆在堯本紀中班固
稱遷作史記多從安國問故安國乃治古文尚書者而遷
本之作堯紀如此可知古文堯典原不止于釐降二女而
必至遏密八音方止也姚氏曰據史記以遏密八音以上
為堯典月正元日以下為舜典文氣仍是割裂經文直敘
舜事無容中書也蓋別有舜典而今亡之不必分截以足
之左氏傳莊公八年引臯陶邁種德僖公二十四年引地
平天成二十七年引賦納以言文公七年引戒之用休襄
公五年引成允成功二十一年二十三年兩引念茲在茲
二十六年引與其殺不辜寧失不經哀公六年引允出茲
在茲十八年引官占惟先蔽志國語周內史過引眾非元
后何戴后非眾罔與守邦而皆謂之夏書則後之日為虞
書者贅矣原注正義言馬融鄭園王肅別錄題皆曰虞夏書以虞夏同科何則記此書者

必出於夏之史臣雖傳之自唐而潤色成文不無待於後人者故篇首言曰若稽古以古爲言明非當日之記也世更三聖事同一家以夏之臣追記二帝之事不謂之夏書而何夫惟以夏之臣而追記二帝之事則言堯可以見舜不若後人之史每帝立一本紀而後爲全書也趙氏曰左傳稱爲夏書者典謨原係夏時史官追記故春秋時猶仍舊稱孔子刪定題爲虞書者以其事皆虞廷之事如隋書修于唐而謂之隋書唐書修于宋而謂之唐書也

帝曰來禹汝亦昌言承上文臯陶所陳一時之言也王出在應門之內承上文諸侯出廟門俟一時之事也序分爲兩篇者妄也

書序

益都孫寶侗仲愚謂書序爲後人僞作逸書之名亦多不
典至如左氏傳定四年祝佗告萇宏其言魯也曰命以伯
禽而封於少皞之虛其言衛也曰命以康誥而封於殷虛
其言晉也曰命以唐誥而封於夏虛是則伯禽之命康誥
唐誥周書之三篇而孔子所必錄也今獨康誥存而二書
亡爲書序者不知其篇名而不列於百篇之內疏漏顯然
是則不但書序可疑并百篇之名亦未可信矣其解命以
伯禽爲書名伯禽之命尤爲切當今錄其說錢氏曰亭林
書序不
可廢

正義曰尙書遭秦而亡漢初不知篇數武帝時有大常蓼
侯孔臧者安國之從兄也與安國書云時人惟聞尙書二

十八篇取象二十八宿謂爲信然不知其有百篇也今攷傳記引書並無序所亡四十二篇之文則此篇名亦未可盡信也

豐熙僞尙書

五經得於秦火之餘其中固不能無錯誤學者不幸而生乎二千餘載之後信古而闕疑乃其分也近世之說經者莫病乎好異以其說之異於人而不足以取信於是舍本經之訓詁而求之諸子百家之書猶未足也則舍近代之文而求之遠古又不足則舍中國之文而求之四海之外如豐熙之古書世本尤可怪焉

原注鄭人言出其子坊僞譌又有子貢詩傳後儒往

往或曰箕子朝鮮本者箕子封於朝鮮傳書古文自帝典

至微子止後附洪範一篇曰徐市倭國本者徐氏爲秦博士因李斯坑殺儒生託言入海求僊盡載古書至島上立倭國卽今日本是也二國所譯書其曾大父河南布政使慶錄得之以藏於家按宋歐陽永叔日本刀歌徐福行時書未焚逸書百篇今尙存蓋昔時已有是說而葉少蘊固已疑之夫詩人寄興之辭豈必眞有其事哉日本之職貢於唐久矣自唐及宋歷代求書之詔不能得而二千載之後慶乃得之其得之又不以獻之朝廷而藏之家何也原注宋咸平中日本僧裔然以鄒康成注孝經來獻不言有尙書至曰箕子傳書古文自帝典至微子則不應別無一篇逸書而一一盡同於伏生孔安國之所傳其曰後附洪範一篇者蓋徒見左氏傳三引

洪範皆謂之商書

原注文公五年引沈漸剛克高明柔克成公六年引三人占從二人襄公三年

引無偏無黨王道蕩蕩正義曰箕子商人所說故謂之商書

而不知王者周人之稱十

有三者周史之記不得爲商人之書也禹貢以道山道水

移於九州之前此不知古人先經後緯之義也

原注孔安國傳道所

及岐卽云更理說所治山川首尾所在是自漢以來五子別無異文史記夏本紀亦先九州而後道山道水

之歌爲人上者柰何不敬以其不叶而改之曰可不敬乎

謂本之鴻都石經據正義言蔡邕所書石經尙書止今文

三十四篇無五子之歌熙又何以不放而妄言之也

原注五子

之歌乃孔氏古文東晉豫章內史梅賾所上故左傳成公十六年引怨豈在明不見是圖哀公六年引惟彼陶唐有此冀方杜預注並以爲逸書國語周單襄公引民可近也而不可上也單穆公引闕石和鈞王府則有韋昭解亦以爲逸
夫天子失官學在四裔使果有殘編斷簡可以裨經

書

文而助聖道固君子之所求之而惟恐不得者也若乃無益於經而徒爲異以惑人則其於學也亦謂之異端而已愚因歎夫昔之君子遵守經文雖章句先後之間猶不敢輒改故元行沖奉明皇之旨用魏徵所注類禮讓爲疏義成書上進而爲張說所駁謂章句隔絕有乖舊本竟不得立於學官夫禮記二戴所錄非夫子所刪況其篇目之次元無深義而魏徵所注則又本之孫炎原注字叔然漢末人以累代名儒之作申之以詔旨而不能奪經生之所守蓋唐人之於經傳其嚴也如此故啖助之於春秋卓越三家多有獨得而史氏猶譏其不本所承自用名學謂後生詭辯爲助所階乃近代之人其於讀經鹵莽滅裂不及昔人遠甚又

無先儒爲之據依而師心妄作刊傳記未已也進而議聖

經矣更章句未已也進而改文字矣此陸游所致慨於朱

人

原注陸務觀曰唐及國初學者不敢議孔安國鄭康成

人況聖人乎自慶厯後諸儒發明經旨非前人所及然排

繫辭毀周禮疑孟子

譏書之允征顧命不難於議

而今且

彌甚徐防有言今不依章句妄生穿鑿以遵師爲非義意

說爲得理輕侮道術寢以成俗嗚呼此學者所宜深戒若

豐熙之徒又不足論也

原注近有謂得朝鮮本尙書於洪

元王惲中堂事記中統二年高麗世子祖來朝宴於中書

省問曰傳聞汝邦有古文尙書及海外異書

荅曰與中國書不殊是知此五十二字者亦僞撰也

漢東萊張霸僞造尙書百二篇以中書

校之非是霸辭受父父有弟子尉氏樊並詔存其書後樊

並謀反乃黜其書而僞逸書嘉禾篇有周公奉鬯立于阼

日知錄卷二
三
階延登贊曰假王蒞政之語莽遂依之以稱居攝是知惑
世誣民乃犯上作亂之漸大學之教禁於未發者其必先
之矣

日知錄集釋卷三

崑山顧炎武著

嘉定後學黃汝成集釋

詩有入樂不入樂之分

鼓鍾之詩曰以雅以南子曰雅頌各得其所夫二南也幽
之七月也小雅正十六篇大雅正十八篇

原注詩譜小雅十六篇大雅十

八篇爲正經

頌也詩之入樂者也邶以下十二國之附於二南

之後而謂之風鴟鴞以下六篇之附於幽而亦謂之幽六

月以下五十八篇之附於小雅民勞以下十三篇之附於

大雅而謂之變雅詩之不入樂者也

原注釋文曰從六月至無羊十四篇是宣

王之變小雅從節南山至何草不黃十四篇前儒申公
毛公皆以爲幽王之變小雅從民勞至桑柔五篇是厲王
之變大雅從雲漢至常武六篇是宣王之變大雅瞻卬及
召旻二篇是幽王之變大雅

正義曰變者雖亦播於樂

或無算之節所用或隨事類而歌又在制禮之後樂不常
用今按以變雅而播之於樂如衛獻公使大師歌巧言
之卒章是也至氏曰古未有詩而不入樂者特宗廟朝廷
祭祀燕享不用而其屬於樂府則奏之以觀民風是亦樂
也是以吳札請觀於周樂而列國之風並奏不謂之樂而
何古者四夷之樂尚陳於天子之庭況列國之風乎亭林
於是乎失言況變風亦概而言之衛風之淇澳鄭風之鄉
衣齊風之雞鳴秦風之同袍同澤其中未嘗無正聲是又
不可不知也汝成案釋文止云前篇中毛先生誤作申公
毛公十月章箋云刺厲王正用魯詩說見漢書谷永傳注
則申毛云者當是伸毛樂記子夏對魏文侯曰鄭音好濫
之義非申公毛公也
淫志宋晉燕女溺志衛晉趙數煩志齊音敖辟喬志此四
者皆淫於色而害於德是以祭祀弗用也朱子曰二南正
風房中之樂也鄉樂也二雅之正雅朝廷之樂也商周之
頌宗廟之樂也至變雅則衰周卿士之作以言時政之得
失而抑鄙以下則太師所陳以觀民風者耳非宗廟燕享

之所用也但据程大昌之辯則二南自謂之南而別立正

風之目者非

原注大昌字泰之孝宗時人著詩論一十七篇朱子當日或未見楊氏曰秦之詩論直云

詩無國風之名不但立正風之名之非而已思所見十五

篇無十七篇陳氏曰二南雅頌之入樂載於儀禮之燕禮

鄉飲禮及內外傳列國燕享所歌無論已至魯人歌周樂

則十三國繼二南之後周禮篇章迎寒暑則飲幽詩新年

則飲幽雅祭蜡則飲幽頌大戴投壺禮稱可歌者入篇則

魏風之伐檀在焉漢末杜襲能記雅樂則伐檀之詩與鹿

鳴騶虞文王並列十三國變風之人樂又歷歷可據也宋

程大昌謂有南雅頌而無國風自邶至幽十三國詩皆不

入樂豈非妄說乎彼特見蘇氏釋鼓鐘篇以雅以南誤以

爲二雅二南故生此說耳蘇氏之謬前辨之已悉矣見小

雅鼓鐘篇程又謂季札觀樂自邶以下左傳但紀國而不

言風故知無國風之名不知二南之詩不盡得於境內兼

得之於南國周召之名不足以盡之故言南南指其地非

以爲詩名也十三國之詩皆得於境內自應舉國名以概

之言國言南皆據實而言其爲風一而已且季札問邶鄭

衛則云是其衛風聞齊則云泱泱乎大風風之名較然著

矣案呂氏春秋云禹省南土塗山氏女命妾往候文作歌

曰侯人猗兮實始爲南音周公召公取風焉程以南爲詩

名或本於此然呂覽言取風不言無風也况呂覽豈傳信之書耶又曰詩篇皆樂章也然詩與樂實分二教經解云詩之教溫柔敦厚樂之教廣博易良是教詩教樂其旨不同也王制曰樂正立四教以造士春秋教以禮樂冬夏教以詩書是教詩教樂其時不同也故教詩者止言作詩之意其用爲何樂則弗及焉卽鹿鳴燕羣臣清廟祀文王之類亦指作詩之意而言其奏之爲樂偶與作詩之意同耳敘自言詩不言樂也意歌詩之法自載於樂經元無煩敘詩者之贅及樂經今已不存則亦無可考矣集傳於正雅諸詩皆欲以樂章釋之或以爲燕享通用或以爲祭畢而燕或以爲受釐陳戒俱以詩之相似億度而爲之說殊不知古人用詩於樂不必與作詩之本意相謀馬端臨文獻通考論之甚悉如射鄉之奏二南兩君相見之奏文王清廟何嘗以其詞哉況舍詩而徵樂亦異乎古人之詩教矣朱子嘗畱陳體仁書言詩之作本以言意非爲樂而作斯語甚當及傳詩則傳會樂章以立義與己說相違不可解也汝成案陳氏雅南說云文王世子胥鼓南鄭氏釋爲南夷樂左傳南籥杜氏以爲文王樂俱不云二南又後漢陳禪傳引詩云以雅以南韎任朱離注引韓詩云南夷之樂曰南四夷之樂惟南可以之和於雅又言毛詩無韎任朱離蓋見齊魯詩卽注語觀之薛君南義旣同而齊魯詩復列於四夷樂名可見南爲南夷古義皆然則程氏說益無据

四詩

周南召南南也非風也豳謂之豳詩亦謂之雅亦謂之頌

原注據周禮篇章

而非風也南豳雅頌爲四詩而列國之風附焉

此詩之本序也

原注宋程大昌詩論謂無國風之目然禮記王制言命大師陳詩以觀民風卽謂自

抑至曹十二國爲風無害楊氏曰秦之云詩之有風其原誤于左氏荀氏王制之云非所疑也

孔子刪詩

孔子刪詩所以存列國之風也有善有不善兼而存之猶古之太師陳詩以觀民風而季札聽之以知其國之興衰正以二者之並陳故可以觀可以聽世非二帝時非上古固不能使四方之風有貞而無淫有治而無亂也文王之化被於南國而北鄙殺伐之聲文王不能化也使其詩尙

存而入夫子之刪必將存南音以繫文王之風存北音以繫紂之風而不容於沒一也是以桑中之篇漆洧之作夫子不刪志淫風也叔于田爲譽段之辭揚之水椒聊爲從沃之語夫子不刪著亂本也淫奔之詩錄之不一而止者所以志其風之甚也一國皆淫而中有不變者焉則亟錄之將仲子畏人言也女曰鷄鳴相警以勤生也出其東門不慕乎色也衡門不願外也選其辭比其音去其煩且濫者此夫子之所謂刪也後之拘儒不達此旨乃謂淫奔之作不當錄於聖人之經是何異唐太子_因謂商臣弑君不當載於春秋之策乎

原注舊唐書高宗諸子傳

黃氏曰

列國之風未嘗被之樂也夫子之所言正者雅頌而未及手風也桑中之詩明言淫奔東萊呂氏乃爲之諱而指爲

雅音失之矣

真希元文章正宗其所選詩一掃千古之陋歸之

正旨然病其以理爲宗不得詩人之趣且如古詩十九首

雖非一人之作而漢代之風畧具乎此今以希元之所刪

者讀之不如飲美酒被服紈與素何以異乎唐詩山有樞

之篇良人惟古歡枉駕惠前綏蓋亦邨詩雄雉于飛之義

牽牛織女意仿大東兔絲女蘿情同車牽十九作中無甚

優劣必以坊淫正俗之旨嚴爲繩削雖矯昭明之枉恐失

國風之義六代浮華固當芟落使徐庾不得爲人陳隋不

得爲代無乃太甚豈非執理之過乎

錢氏曰四朝間見錄云考亭先生晚注毛

詩盡去序文以形管爲淫奔之具以城闕爲偷期之所陳

止齋得其說而病之謂以千七百年女史之形管與三代

之學校爲淫奔之具偷期之所竊所未安獨藏其說不與

考亭辯考亭微知其然移書求其詩說止齋荅以公近與

陸子靜門辯無極又與陳同父爭論王霸矣某未嘗注詩所以說詩者不過與門人學子講義今皆毀之矣蓋不欲佐陸陳之辯也

何彼穠矣

錢穀士曰傳穠猶戎戎也按說文穠衣厚自引此詩石經同韓詩作莪按說文無莪字

山堂攷索載林氏曰二南之詩雖大概美詩亦有刺詩不徒西周之詩而東周亦與焉據何彼穠矣之詩可知矣其曰平王之孫齊侯之子攷春秋莊公元年書王姬歸于齊此乃桓王女平王孫下嫁於齊襄公非平王孫齊侯子而何原注洪氏容齋五筆曰春秋莊公元年當周莊王之四十年齊襄公之五年書王姬歸于齊莊公十一年當莊王之十四年齊桓公之三年又書王姬歸于齊莊王為平王之孫則所嫁王姬當是姊妹齊侯之子即襄公桓公二者必居一說者必欲以為西周之詩於時未有平王乃以平於此矣說者必欲以為西周之詩於時未有平王乃以平為平正之王齊為齊一之侯與書言寧王同義此妄也

原注

毛氏傳平正也武王女文王孫適齊侯之子按成王時齊侯則太公而以武王之女適其子是甥舅爲婚周之盛時必無此事逮成王顧命丁公始見於經而據詩人欲言其去武王三十餘年又必無未笄之女矣

人之子孫則必直言之如稱衛莊姜則曰齊侯之子衛侯之妻東宮之妹邢侯之姨美韓侯取妻則曰汾王之甥蹇父之子又何疑乎且其詩刺詩也以王姬徒有容色之盛而無肅雝之德何以使人化之故曰何彼穠矣唐棣之華曷不肅雝王姬之車詩人若曰言其容色固如唐棣矣然王姬之車胡不肅雝乎是譏之也按此說桓王女平王孫則是其曰刺詩於義未允蓋詩自邶鄘以訖於檜曹皆太師之所陳者也其中有美有刺若二南之詩則用之爲燕樂用之爲鄉樂用之爲射樂用之爲房中樂而鼓鍾之卒

章所謂以雅以南春秋傳所謂象簡南簡文王世子所謂
胥鼓南者也安得有刺此必東周之後其詩可以存二南
之遺音而聖人附之於篇者也且自平王之東周德日以
衰矣麥禾之取繻葛之戰幾無以令於兄弟之國且莊王
之世魯衛晉鄭日以多故於是王姬下嫁以樹援於強大
之齊尋盟府之墜言繼昏媾之夙好且其下嫁之時猶能
修周之舊典而容色之盛禮節之備有可取焉聖人安得
不錄之以示興周道於東方之意乎（原注）春秋襄十五年
書劉夏逆王后于齊

亦此意

蓋東周以後之詩得附二南者惟此一篇而已後之

儒者乃疑之而爲是紛紛之說是烏知聖人之意哉或曰
詩之所言但稱其容色何也曰古者婦有四德而容其一

也言其容則德可知矣

原注說苑引書五事一曰貌貌者男子之所以恭敬婦人之所以姣

好故碩人之詩美其君夫人者至無所不極其形容而野

麇之貞亦云有女如玉卽唐人爲妃主碑文亦多有譽其

姿色者

原注世氏隸釋載郭輔碑云有四男三女咸高賢姁姁漢魏間人作已如此

豈若宋代

以下之人以此爲諱而不道乎夫婦人倫之本昏嫺王道

之大下嫁於齊甥舅之國太公之後先王以周禮治諸侯

之本也詩之得附於南者以此舍是則東周以後事無可

稱而民間之謠刺皆屬之王風矣況二南之與民風其來

自別宣王之世未嘗無雅則平王以下豈遂無南或者此

詩之舊附於南而夫子不刪要亦不異乎嚮者之說也

何彼穠矣以莊王之事而附於召南其與文侯之命以平

王之事而附於書一也江氏曰東遷後之詩何以不入王
之化異于黍離諸篇
故特附之召南歟

邶鄘衛

邶鄘衛本三監之地自康叔之封未久而統於衛矣采詩
者猶存其舊名謂之邶鄘衛原述漢書地理志河內本殷
為三國詩風邶鄘衛國是也邶以封紂子武庚鄘管叔尹
之衛蔡叔尹之以監殷民謂之三監故書序曰武王崩三
監畔周公誅之盡以其地封弟康叔號曰孟侯以夾輔周
室遷邶鄘之民於雒邑故邶鄘衛三國之詩相與同風雷
氏曰周書克殷曰立王子武庚命管叔相作雒曰武王克
殷乃立王子祿父俾守商祀建管叔于東建蔡叔霍叔于
殷俾監殷民孔晁于立祿父注云封以鄭祭成湯又云東
謂衛殷邶鄘霍叔相祿父也漢書地理志曰周既滅殷分
其畿內為三國詩風邶鄘衛是也邶以封紂子武庚庸管
叔尹之衛蔡叔尹之詩譜曰武王以紂京師封武庚為殷
後又分其地置三監使管叔蔡叔霍叔尹之自紂城而北
謂之邶南謂之鄘東謂之衛服子慎王子雍皇甫士安並

云鄆在紂都之西鄭夾漆則中衛南鄆東鄆伯恭則南鄆
東鄆北衛九域志謂武王立祿父在觀厯地路史亦謂武
庚封鄆卽漕邑今滑之白馬此宋以前諸說之不同也案
經傳凡言武庚之國皆謂之殷則武庚實封於鄆南之殷
可知此時商之宗廟在殷故周書曰俾守商祀廟社在殷
而紂居朝歌故牧誓曰昏棄厥肆祀弗答逸書曰侮滅神
祇不祀孔注鄭字乃鄆字之譌卽謂殷也詩譜之紂城以
朝歌言北謂之鄆東謂之衛自是定解惟南謂之鄆不加
服王皇甫之說爲確朝歌之南迫近大河不容更置一監
惟西地河內亦有殷名卽懷之殷城書曰建管叔于東建
蔡叔霍叔于殷漢志又云以鄆封武庚蓋一監處東一監
處西鄆近殷都霍叔處之實與武庚共地而理殷都在紂
城之北一百五十餘里故詩之變風首列鄆孔注亦云霍
叔相祿父也惟其共地而理叔受其制故叛周降辟霍從
末滅書云管叔相者乃諸侯之命卿在下車之始注云霍
叔相者乃方伯之三監在既封之後據逸書竹書命管叔
相在武王十二年正月朔命三監在十二年四月月初又曰
三監之中有霍叔此經之明文無可疑者漢書志及書僞
傳謂三監有武庚無霍叔非是其分監之地卽鄆鄆衛是
也其所封之國則管蔡霍是也鄆鄆皆武庚之封土其
國都則近鄆武王使三叔處此者王封鄆衛父爲上公上公
九命作伯古制天子使其大夫爲三監監于方伯之國國

三人蓋待以客禮使爲方伯遵用商之舊制使其弟爲之
監非曰勝國餘孽必監之以防其蠢動也迨成王立三叔
及武庚畔周公不得已而東征于是殷之國土命康叔及
中旄父尹之後乃悉封康叔詩譜謂武庚誅後更建此三
國以康叔爲之長後世子孫并彼二國此不然也左傳季
札觀樂爲之歌邶鄘衛曰吾聞衛康叔武公之德如是是
其衛風乎以邶鄘屬之康叔則康叔時已有邶鄘可知聖
人于變風首列此者見此三地後雖康叔已有邶鄘武庚
之封所以著武王周公之于殷大公至正無私天下之心
無如武庚三叔變而不善論胥以亡此所以名寓其義而
卽以風示後之不靖者又曰殷商以前河內無衛名衛本
殷之封國姚姓故字其地在斟觀氏之墟不在河內見續
漢書郡國志水經河水注武王克殷命百弁以虎賁伐衛
滅之見周書世俘篇始邑管叔于此故周書曰建管叔于
東蓋殷畿千里凡在東河以外者通謂之東周公踐殷降
辟三叔始命康叔字于殷墟名曰衛自是河內始有衛名
邶鄘衛者總名也不當分某篇爲邶某篇爲鄘某篇爲衛
分而爲三者漢儒之誤以此詩之簡獨多故分三名以各
冠之而非夫子之舊也

原注觀小雅六笙詩毛公頗有升
降黍離之篇毛公以爲王齊詩以

爲衛則知今詩之次序多出於漢儒也
新序黍離衛宣公之子壽罔其兄而作 攷之左氏傳襄公

二十九年季札觀樂於魯爲之歌邶鄘衛曰美哉淵乎憂

而不困者也吾聞衛康叔武公之德如是是其衛風乎而

襄公三十一年北宮文子之言引衛詩曰威儀棣棣不可

選也此詩今爲邶之首篇乃不曰邶而曰衛是知累言之

則曰邶鄘衛專言之則曰衛一也猶之言殷商言荆楚云

爾意者西周之時故有邶鄘之詩及幽王之亡而軼之而

大師之職猶不敢廢其名乎然名雖舊而辭則今矣原注

漢書言遷邶鄘之民於衛邑則成王之世已無邶鄘魏源

曰左氏載季札觀樂爲之歌邶鄘衛曰美哉吾聞衛康叔

武公之德如是其衛風乎三名一實連而不分視爲之

歌唐爲之歌魏判然二國者殊例是邶鄘衛之不可分猶

曰殷商曰荆楚故北宮文子引今邶風柏舟威儀之語以

爲衛詩毛公分一國爲三蓋徒因簡編過大而未念其名

賁之不相符此異左傳者一也劉向新序以黍離為衛詩
 閔兄則知魯詩必列於衛風而不列入王風之首矣鄭箴
 膏肓迷何彼穠矣不以平王為平正之王則是東周平王
 之詩而不當次諸二南之後矣此與三家者二也國風之
 例凡采風觀民各從其所得之地不從其所詠之人故木
 瓜衛人美齊桓則繫諸衛衛人刺魯莊則繫之齊乃
 繼衣為周人美鄭武公為卿士之詩何以不繫之王而繫
 之鄭考公羊傳古者鄭國處于畱先鄭伯有善于鄭公者
 以取其國而遷鄭焉而野畱莊公死祭仲將往省于畱云
 云此即鄭桓公寄孥與賄于鄭而得其國旋以畱為下邑
 而王風邱中有麻彼畱子嗟之詩所為作也邱中與緇衣
 之詩皆鄭桓公為王朝卿士時小惠要結周民說而歌之
 既皆畿內民風自當同列王風之末故魯詩以大車為哀
 息君之詩正以鄭息同為畿內之國故與其為周人所詠
 之詩同殿乎王風毛以邱中緇衣二詩一繫之王一繫之
 鄭既乖民風各繫本國之例且因此遂并大車邱中有麻
 之詩凡為周民詠鄭息者皆不知所指何事離
 之兩傷較然明矣此異於魯詩公羊者三也

邶鄘之亡久矣故大師但有其名而三國同風無非衛人

之作檜原注左之亡未久而詩尚存故別於鄭而各自為

風匪風之篇其西周未亡之日乎

原注曰誰將西歸是篇京尚存故鄭氏請以爲

富夷王厲王之時蘇氏以槍詩皆爲鄭作非也

邶鄘衛三國也非三監也殷之時邦畿千里周則分之爲

三國今其相距不過百餘里如地理志所言於百里之間

而立此三監又非武庚而爲一監皆非也宋陳傅良原注止齊

集荅黃文叔書以爲自荆以南蔡叔監之管叔河南霍叔河北蔡

故蔡國管則管城霍所謂霍太山也其縣地廣不得爲邶

鄘衛也汝成案三詩皆言衛事故班氏謂之同風其不當

前存前代後也與雷氏言正合若然則康叔既封猶標其地是初爲三國非三監明矣

黎許二國

許無風而載馳之詩錄於鄘黎無風而式微旄丘之詩錄

於抑聖人闡幽之旨興滅之心也

諸姑伯姊

泉水之詩其曰諸姬猶碩人之庶姜古之來媵而爲姪娣者必皆同姓之國其年之長幼序之昭穆則不可知也故有諸姑伯姊之稱猶禮之言伯父伯兄也貴爲小君而能謙以下其眾妾此所謂其君之袂不如其娣者矣

王事

王事適我政事一埤益我凡交於大國朝聘會盟征伐之事謂之王事

原注左傳襄公二十九年鄒子展曰詩云王事靡盬不遑啟處東西南北誰敢寧處堅事

晉楚以蕃王室也王事無曠何常之有喪大記曰既葬與人立君言王事不言國事又曰君既葬王政入於國既卒哭而服其國之事謂之政事

朝濟于西

錢微士曰傳濟升也案許卡重不收濟字
濟當爲蹕蹕升釋詁文彼作陞俗字也

朝濟于西崇朝其雨朱子引周禮十煇注以濟爲虹是也

謂不終朝而雨止則未然諺曰東虹晴西虹雨

原注其雨者雨也

蓋虹蜺雜亂之交無論雨晴而皆非天地之正氣楚襄王
登雲夢之臺望高唐之觀所謂朝雲者也

王

邶鄘衛王列國之名其始於成康之世乎惟周王撫萬邦

巡侯甸而大師陳詩以觀民風其采於商之故都者則繫

之邶鄘衛其采於東都者則繫之王

原注王亦周初大師之本名馬永卿述

元城劉先生之言亦謂邶鄘衛本商之畿內故序王之上其采於列國者則各繫之其

國至驪山之禍先王之詩率已闕軼而孔子所錄者皆平

王以後之詩此變風之所由名也詩雖變而大師之本名則不敢變此十二國之所以猶存其舊也先儒謂王之名不當僭於列國而爲之說曰列黍離於國風齊王德於邦

君原注晉范甯春秋穀梁傳序誤矣季文貞曰周初之風是謂二南其

世道一風同無間中外其後采諸列國者歸其本部則邶

鄘以下是畿內所得者附於雅則有小雅中謠詠諸詩故

成康後畿內無風蓋俗化既散不能比於二南又不可別

自爲部故歸之雅及乎既東則巡守不行而列國無詩平

王初年周太師猶舉舊職欲存風雅二體節南山以下作

自卿大夫者曰雅黍離以下畿內民俗曰風其稱風而與

西周別者以此至其晚歲則并此匹之東遷風雅亦僅止

于平王故孟子曰詩匹然後春秋作先儒惑於詩匹之義

乃以雅爲西以風爲東而有降黍離於國風之說夫王號

猶在誰則降之魯猶有頌夫子弗更也豈降周雅爲風乎

汝成案康成云其詩不能復雅故賤之謂之王國之變風

疏曰詩者緣政而作風雅繫政廣狹又釋鄭志言幽厲以

酷虐之政被於諸侯故爲雅平桓則政教不及畿外故爲

風義亦甚正惟諸次幽下則見轉一孔蓋名尊而實消矣

自幽王以上大師所陳之詩亡矣春秋時君卿大夫之賦詩無及之者此孔子之所不得見也是故詩無正風

二南也幽也小大雅也皆西周之詩也至於幽王而止

注原

惟何彼穠矣爲平王以後之詩

其餘十二國風則東周之詩也王者之迹

熄而詩亡西周之詩亡也詩亡而列國之事迹不可得而見於是晉之乘楚之檇杞魯之春秋出焉是之謂詩亡然後春秋作也周頌西周之詩也魯頌東周之詩也成康之世魯豈無詩而今亦已亡矣故曰詩亡列國之詩亡也其作於天子之邦者以雅以南以訥以頌則固未嘗亡也

日之夕矣

雞棲于埘日之夕矣羊牛下來君子當歸之時也至是而

不歸如之何勿思也

君子以嚮晦入宴息日之夕矣而不來則其婦思之矣朝

出而晚歸則其母望之矣原注列女傳夜居于外則其友弔之

矣原注檀弓於文日夕爲退原注說文繫傳是以櫛鬢無卜夜之賓衢

路有宵行之禁故曰見星而行者惟罪人與奔父母之喪

者乎原注曾子問至於洒德衰而酣身長夜官邪作而昏夜乞

哀天地之氣乖而晦明之節亂矣

大車

豈不爾思畏子不敢民免而無恥也雖速我訟亦不女從
有恥且格也

鄭

自邶至曹皆周初大師之次序先邶鄘衛殷之故都也次之以王周東都也何以知其爲周初之次序邶鄘也晉而謂之唐也皆西周之舊也惟鄭乃宣王所封中興之後始立其名於大師而列於諸國之先者鄭亦王畿之內也故次於王也桓公之時其詩不存故首繼衣也

楚吳諸國無詩

吳楚之無詩以其僭王而刪之與非也太師之本無也楚之先熊繹辟在荆山筭路藍縷以處草莽惟是桃弧棘矢以其禦王事而周無分器原注左氏昭公十二年傳岐陽之盟楚爲荆蠻置茅蕝設望表與鮮牟守燎而不與盟原注左氏昭公十二年傳是亦無詩之可采矣況於吳自壽夢以前未通中國者乎滕薛之無

詩微也若乃號鄭皆爲鄭滅而號獨無詩陳蔡皆列春秋之會盟而蔡獨無詩有司失其傳爾

幽

自周南至幽統謂之國風此先儒之誤程泰之辨之詳矣幽詩不屬於國風周世之國無幽此非太師所采周公追王業之始作爲七月之詩兼雅頌之聲而用之所報之事周禮簡章逆暑迎寒則歛幽詩祈年於田祖則歛幽雅祭蜡則歛幽頌雪山王氏曰此一詩而三用也原注謂簡章鐘琴瑟四器之聲合籥也笙師歛笙笙頌簡蕭簫篪達管春牘應雅凡十二器以雅器之聲合籥也既瞭播鼓擊頌磐笙磬凡四器以頌器之聲合籥也凡爲樂器以十有二律爲之數度以十有二聲爲之齊量凡和樂亦如之此用七月一詩特其以器和聲有不同爾

鴟鴞以下或周公之作或爲周公而作

則皆附於鹵焉雖不以合樂然與二南同爲有周盛時之詩非東周以後列國之風也故他無可附

言私其糴

爾我公田遂及我私先公而後私也言私其糴獻豨于公先私而後公也自天下爲家各親其親各子其子而人之有私固情之所不能免矣故先王弗爲之禁非惟弗禁且從而恤之建國親侯胙土命氏畫井分田合天下之私以成天下之公此所以爲王政也至於當官之訓則曰以公滅私然而祿足以代其耕田足以供其祭使之無將母之嗟室人之謫又所以恤其私也此義不明久矣世之君子必曰有公而無私此後代之美言非先王之至訓矣

承筐是將

君子不親貨賄束帛芟芟實諸筐篚非惟盡飾之道亦所以遠財而養恥也萬歷以後士大夫交際多用白金乃猶封諸書冊之間進自閹人之手今則親呈坐上徑出懷中交收不假他人茶話無非此物衣冠而爲囊橐之寄朝列而有市井之容若乃拾遺金而對管寧倚被囊而酬溫嶠曾無媿色了不關情固其宜也然則先王制爲筐篚之文者豈非禁於未然之前而示人以遠財之義者乎以此坊民民猶輕禮而重貨

罄無不宜

罄無不宜宜室家宜兄弟宜子孫宜民人也吉蠲爲饗是

用孝享禴祠烝嘗于公先王得萬國之歡心以事其先王也

民之質矣日用飲食

民之質矣日用飲食夫使機智日生而姦偽萌起上下且不相安神奚自而降福乎有起信險膚之族則高后崇降弗祥有壽張爲幻之民則嗣王罔或克壽是故有道之世人醇工龐商樸女童上下皆有嘉德而至治馨香感於神明矣然則祈天永命之實必在於觀民而斷離爲樸其道何由則必以厚生爲本

羣黎庶人也百姓百官也民之質矣兼百官與庶人而言猶曰人之生也直也

小人所腓

卷之三

十四

小人所腓古制一車甲士三人步卒七十二人炊家子十

人固守衣裝五人廩養五人樵汲五人

原注見司馬法

隨車而動

如足之腓也

原注傳曰腓辟也箋曰腓當作芘皆未是

步乘相資短長相衛行

止相扶此所以爲節制之師也繻葛之戰鄭原繁高渠彌

以中軍奉公爲魚麗之陳先偏後伍伍乘彌縫卒不隨車

遇闕卽補斯已異矣

原注古時營陳遇闕處仍以車補周禮車僕掌闕車之萃注闕車所用補

闕之車也左傳宣公十二年楚子使潘黨率游闕四十乘注游車補闕者

大鹵之師魏舒請毀

車以爲行五乘爲三伍

原注注乘車者車三人五乘十五人今改去車更以五人爲伍分爲

三爲五陳以相離兩於前伍於後專爲右角參爲左角偏

爲前拒專任步卒以取捷速然亦必山林險阻之地而後

可用也步不當騎於是趙武靈王爲變服騎射之令而後世因之所以取勝於敵者益輕益速而一敗塗地亦無以自保然後知車戰之爲謀遠矣

終春秋二百四十二年車戰之時未有斬首至於累萬者車戰廢而首功興矣先王之用兵服之而已不期於多殺也殺人之中又有禮焉以此毒天下而民從之不亦宜乎宋沈括對神宗言車戰之利見於歷世然古人所謂兵車者輕車也五御折旋利於捷速今之民間輜車重大日不能三十里故世謂之太平車但可施於無事之日爾

變雅

六月采芑車攻吉日宣王中興之作何以爲變雅乎采芑

傳曰言周室之強車服之美也言其強美斯劣矣

（原注）正義曰名

生於觀夫鹿鳴以下諸篇其於君臣兄弟朋友之間無不

曲當而未嘗有夸大之辭大雅之稱文武皆本其敬天勤

民之意至其言伐商之功盛矣大矣不過曰會朝清明而

止然則宣王之詩不有侈於前人者乎

（原注）如韓奕之篇尤侈

一傳

而周遂亡嗚呼此太子晉所以謂自我先王厲宣幽平而貪天禍固不待沔水之憂祈父之刺而後見之也

大原

薄伐玁狁至于大原毛鄭皆不詳其地其以為今太原陽

曲縣者始於朱子

（原注）呂氏讀詩記嚴氏詩緝並云

而愚未敢信也古之

言大原者多矣若此詩則必先求涇陽所在而後大原可

得而明也漢書地理志安定郡有涇陽縣開頭山在西禹
貢涇水所出後漢書靈帝紀段熲破先零羌於涇陽注涇
陽縣屬安定在原州郡縣志原州平涼縣本漢涇陽縣地
今縣西四十里涇陽故城是也然則大原當卽今之平涼
而後魏立爲原州亦是取古大原之名爾（原注）唐書原州平涼郡治平高
廣德元年沒吐蕃節度使馬璘表置行原州於靈臺之百
里城貞元十九年徙治平涼元和三年又徙治臨涇大中
三年收復關隴歸治平高計周人之禦獫狁必在涇原之間若晉陽之
太原在大河之東距周京千五百里豈有寇從西來兵乃
東出者乎故曰天子命我城彼朔方而國語宣王料民于
大原亦以其地近邊而爲禦戎之備必不料之於晉國也
又按漢書賈捐之言秦地南不過閩越北不過大原而天

下潰畔亦是平涼而非晉陽也

原注漢武帝始開朔方郡故秦但有隴西北地上郡

而止若晉陽之太原則其外有雁門雲中九原不得言不過也

若書禹貢既修大原至于

岳陽春秋晉荀吳帥師敗狄于大原及子產對叔向宣汾

洹障大澤以處大原則是今之晉陽而豈可以晉之大原

爲周之大原乎

原注司馬相如上林賦布漢閭澤延蔓太原阮籍東平賦長風振厲蕭條太原高平

曰原蓋古人之通稱也全氏曰尚書大傳大而高平者謂之太原春秋題辭高平曰太原故平涼亦有太原之名

吾讀竹書紀年而知周之世有戎禍也蓋始於穆王之征

犬戎六師西指無不率服於是遷戎於太原

原注十七年以黷

武之兵而爲徙戎之事懿孝之世戎車屢征至夷王七年

虢公帥師伐太原之戎至於俞泉獲馬千匹則是昔日所

內徙者今爲寇而征之也宣王之世雖號中興三十三年

王師伐太原之戎不克三十八年伐條戎奔戎王師敗逋

三十九年伐羌戎戰於千畝王師敗逋四十年料民於太

原其與後漢西羌之叛大畧相似幽王六年命伯士帥師

伐六濟之戎王師敗逋

原注後漢書西羌傳並用此嚴尤以爲周得中策蓋不改之言

於是關中之地戎得以整居其間而陝東之申侯至與之

結盟而入寇

原注自遷戎至此一百七十六年蓋宣王之周語申綰西戎方強王室方騷

世其患如漢之安帝也幽王之世其患如晉之懷帝也戎

之所由來非一日之故而三川之震壓弧之謠皆適會其

時者也然則宣王之功計亦不過唐之宣宗而周人之美

宣亦猶魯人之頌僖也事劣而文侈矣書不盡言是以論

其世也如毛公者豈非獨見其情於意言之表者哉

原注竹書

紀年自共和以後多可信蓋亦必有所傳其前則好事者爲之爾

莠言自口

莠言穢言也若鄭享趙孟而伯有賦鴉奔之詩是也君子在官言官在府言府在庫言庫在朝言朝狎侮之態不及於小人諛浪之辭不加於妃妾自世尚通方人安媒慢宋玉登牆之見淳于滅燭之歡遂乃告之君王傳之文字忘其穢論敘爲美談以至執女手之言發自臨喪之際原注鬻如脣之詠宣於侍宴之餘原注於是搖頭而舞八風原注連臂而歌萬歲原注去人倫無君子而國命隨之矣

臧孫紇見衛侯于邾退而告其人曰衛侯其不得入矣其

言糞土也亡而不變何以復國以糞土喻其言猶詩之莠言也

皇父

錢徵士曰作都於向事在幽王六年見竹書紀年九域志同州有向城卽此

王室方騷人心危懼皇父以柄國之大臣而營邑于向左傳隱十一年解軹縣西有地名向上在今濟源縣界於是三有事之多藏者隨之而去矣庶民之有車馬者隨之而去矣蓋亦知西戎之已偪而王室之將傾也以鄭桓公之賢且寄孥於虢鄆則其時之國勢可知然不顧君臣之義而先去以爲民望則皇父實爲之首昔晉之王衍見中原已亂乃說東海王越以弟澄爲荊州族弟敦爲青州謂之曰荊州有江漢之固青州有負海之險卿二人在外而吾畱此足以爲三窟矣鄙

夫之心亦千載而符合者乎

握粟出卜

古時用錢未廣詩書皆無貨泉之文而問卜者亦用粟漢

初猶然史記曰者傳卜而有不審不見尊精汝成案曰者傳云以義置

數十百錢又云此之為德豈直數十百錢哉是問卜者兼

用錢粟矣此特偏引一語爾惠氏曰古者卜筮先用精鑿

之米以享神謂之精楚辭云巫咸將夕降兮懷椒糈而要

之王逸注言巫咸將下願懷椒糈要之使筮者占茲古因

之事也管子云守龜不兆握粟而筮者屢中

私人之子百僚是試

孔氏曰私人卑隸之屬也天下有道小德役大德小賢役

大賢故貴有常尊賤有等威所以辨上下而定民志也周

之衰也政以賄成而官之師旅不勝其富原注左氏襄公十年傳又

其甚也私人之子皆得進而服官而文武周公之法盡矣
候人而赤芾曹是以亡不狩而縣貍魏是以削賤妨貴小
加大古人列之六逆又不但仍叔之子譏其年弱尹氏之
媼刺其材瑣而已自古國家吏道雜而多端未有不趨於
危亂者舉賢材慎名器豈非人主之所宜兢兢自守者乎
不醉反恥

彼醉不臧不醉反恥所謂一國皆狂反以不狂者爲狂也

以箕子之忠而不敢對紂之失日

原注韓非子

況中材以下有

不尤而效之者乎卿士師師非度此商之所以亡蘭芷變
而不芳兮荃蕙化而爲茅此楚之所以六千里而爲讎人
役也是以聖王重特立之人而遠苟同之士保邦于未危

必自此始

上天之載

錢徵士曰禮記中庸鄭注讀曰裁謂生物也與箋異蓋三家說也亦作緯見漢書揚雄傳

上天之載無聲無臭儀刑文王萬邦作孚君子所以事天者如之何亦曰儀刑文王而已其儀刑文王也如之何爲人君止於仁爲人臣止於敬爲人子止於孝爲人父止於慈與國人交止於信而已

王欲玉女

民勞本召穆公諫王之辭乃託爲王意以戒公卿百執事之人故曰王欲玉女是用大諫猶之轉予于恤而呼祈父從事不均而怨大夫所謂言之者無罪而聞之者足以戒也豈亦監謗之時疾威之日不敢指斥而爲是言乎然而

下歸仁焉又曰有能一日用其力於仁矣乎我未見力不足者

韓城

水經注聖水徑方城縣故城北又東南徑韓城東詩溥彼

韓城燕師所完王錫韓侯其迨其貊奄受北國王肅曰今

涿郡方城縣有韓侯城世謂寒號非也

原注魏書地形志范陽郡方城縣有

韓侯城楊氏曰据水經注則周有兩韓國不可不辨

按史記燕世家易水東分爲梁

門今順天府固安縣有方城村卽漢之方城縣也水經注

亦云濕水徑良鄉縣之北界歷梁山南高粱水出焉是所

謂奕奕梁山者矣舊說以韓國在同州韓城縣曹氏曰武

王子初封於韓其時召襄公封於北燕實爲司空王命以

燕眾城之竊疑同州去燕二千餘里卽令召公爲司空掌
邦土量地遠近興事任力亦當發民於近甸而已豈有役
二千里外之人而爲築城者哉召伯營申亦曰因是謝人
齊桓城邢不過宋曹二國而召詰庶殷攻位蔡氏以爲此
遷洛之民無役紂都之理此皆經中明證原注大全載朱子之言亦以此
爲不可曉況其追其貊乃東北之夷而蹶父之靡國不到亦似
謂韓土在北陲之遠也又攷王符潛夫論曰昔周宣王時
有韓侯其國近燕故詩云普彼韓城燕師所完其後韓西
亦姓韓爲衛滿所伐遷居海中漢時去古未遠當有傳授
今以水經注爲定江氏曰梁山在韓城而燕地亦自有梁山
之水東逕梁山南縣今之通州其西有梁山正當固安
縣之東北也禹治冀州水恆衛旣徙則燕地之梁山固其

所莫定者韓城之梁山名偶同耳然則韓始封在韓城至
宣王時徙封於燕之方城歟雷氏曰路史謂韓於幽王之
世失國此用國語應韓不在之說謂失其近燕之國也蓋
失於北而遷於西故王符曰其後韓西也韋昭謂韓於平
王之世失國此則指其所遷之國近於禹貢之梁

者韓之二國皆有梁山故鄭氏誤以遷國為封國
按毛傳梁山韓城皆不言其地鄭氏箋乃云梁山今左馮

翊夏陽西北韓姬姓之國也後為晉所滅故大夫韓氏以

為邑名焉

原注左傳富辰言邢晉應韓武之穆也竹書紀年平王十四年晉人滅韓按左傳僖公十五年

年晉侯及秦伯戰于韓上言涉河下言及韓又曰寇溪矣是韓在河東亦非今之韓城也故杜氏解但云韓晉地

文公十年晉人伐秦取少梁始得今韓城之地益明戰于韓非此也至薄彼韓城燕師所完

則鄭已自知其說之不通故訓燕為安而曰大矣彼韓國

之城乃古平安時眾民之所築完惟王肅以梁山為涿郡

方城縣之山而以燕為燕國

原注孫毓亦云今於梁山則用鄭說

於燕則用王說二者不可兼通而又巧立召公爲司空之

說可謂甚難而實非矣又其追其貉鄭以經傳說貉多是

中夷故職方掌四夷九貉原注卽貉字鄭志荅趙商云九貉卽

九夷也又秋官貉注云征東北夷所獲而漢時所謂濊

貉者皆在東北原注史記貨殖傳燕東綰貉朝鮮真番

韓之北高句麗沃沮漢書武帝紀注服虔曰穢貉在辰

之南東窮於大海因於箋末添二語云其後追也貉也

爲獵狄所逼稍稍東遷此又可見康成之不自安而遷就

其說也陳氏曰薄彼韓城燕師所完鄭箋訓燕爲安云古

肅孫毓皆以燕爲燕國得之至水經注載肅語謂今涿郡

方城縣有韓侯城上符潛夫論亦言宣王時有韓侯國近

燕近儒有據此立說謂此詩之韓在今順天府固安縣非

西安府之韓城縣殆未必然也爲此說者因燕遠於韓不

得用其師貉是東夷與今韓城隔遠不應以貉錫韓耳然

命燕城韓東萊引春秋事例之洵爲允當且非直此也周

公作洛四方民大和會五服咸至無間遠近山南城齊自
錫而往與燕之去韓路亦相等至以貉爲東夷鄭氏注周
禮据漢世言之耳魯頌淮夷蠻貉莫不率從本謂淮夷行
如蠻貉非謂蠻貉亦服魯傳義不謬也孟子言貉五穀不
生此北方氣寒之說說文亦以貉爲北方豸種此詩其道
其貉又與奄受北國連文其爲北垂荒裔無疑矣貉俗字
也本作貉此詩追貉書華夏蠻貉石經皆作貉注疏作貉
諸本因之又曰呂記朱傳以燕爲燕國其說當矣然所謂
燕師者直是燕國之民而召公子孫受封于燕者率之以
城韓自未傳謂韓初封時召公爲司空王命以其眾爲築
此城此言非也燕雖召公之國召公未嘗至燕也召公自
食采于畿內若召公率之則所用之眾乃王師也王師而
謂之燕師天子而蒙侯國之號可乎况召公爲司空不見
經典朱子爲此說者特因崇高韓載王肅語謂召公爲司
空主繕治遂意召氏當世居此職耳不知宣王時賦謝則
使召穆公城齊則使樊仲山甫穆公一身尙未必常居司
空之職况其先世乎又案召康公歷事文成康四王封
韓大約在成王時也周書顧命列諸臣位次召公嘗爲冢
宰而司空則屬毛公詳見孔氏書傳左傳又云聘季爲司
空見定四年則成康之世爲司空者已有兩人明著于經
傳而召公不與焉安得謂召氏世居此職耶又周家六卿
並無世職者成王時蘇公爲司空康叔亦爲之穆王命君

牙爲司徒而幽王時番爲之鄭桓公亦爲之謂司空獨世
局召氏豈其然乎後成案陳氏之說辨矣第既主王肅孫
毓之說以燕爲燕國復云詩之韓城在今西安又主魯頌
傳淮夷蠻貊謂淮夷行如蠻貊以訓此貊字義固當矣然
同州去燕二千餘里獨以此賦功屬役誠乖理勢周公作
洛是築王城五服咸至宜矣而康成猶言不見要服者以
遠於後事而恒闕焉豈城此侯邑而惟勤是遠國至山甫
城齊自鎬而往此是王命往城稽度教護非率鎬眾往也
而云燕之與韓路亦相等外鑿甚矣攷韓之先祖是武王
之子括地志同州韓城縣南十八里爲古韓國王肅曰今
涿郡方城縣有韓侯城是有兩韓國也史記燕世家曰燕
北迫蠻貊山海經曰貊國其地近燕則雷氏譏康成誤以
遷國爲封國信矣然尚有疑者竹書成王十二年王師燕
師城韓徐位山因曰後蓋追述其先祖事非宣王之時別
有燕師城韓若然鎬燕旣近涿郡司空營度土功
是以令役二地而括地志所云古韓國者似誤

如山之苞如川之流

如山之苞營法也如川之流陳法也古之善用師者能爲
營而後能爲陳故曰師出以律又曰不愆於四伐五伐六

伐七伐乃止齊焉管子霸國之謀且猶作內政以寄軍令使之耳目素習心志素定如山之不可動搖然後出而用之若決水於千仞之谿矣

不弔不祥

威儀之不類賢人之喪亡婦寺之專橫皆國之不祥而日月之眚山川之變鳥獸草木之妖其小者也傳曰人無覺焉妖不自作故孔子對哀公以老者不教幼者不學爲俗之不祥

原注家語

荀子曰人有三不祥幼而不肯事長賤而不

肯事貴不肖而不肯事賢是人之三不祥也而武王勝殷得二俘而問焉曰若國有妖乎一俘對曰吾國有妖晝見星而天雨血一俘對曰此則妖也非其大者也吾國之妖

子不聽父弟不聽兄君令不行此妖之大者也武王避席
再拜之原注呂氏春秋書載箕子之言亦曰余所逮見
五六十年國俗民情舉如此矣不教不學之徒滿於天下
而一二稍有才知者皆少正卯鄧析之流是豈待三川竭
而悲周岷山崩而憂漢哉書曰習與性成詩云如彼泉流
無淪胥以敗識時之士所以引領於哲王繫心於耆德也

駟

魯僖公儉以足用寬以愛民務農重穀而有圻牧之盛衛
文公大布之衣大帛之冠務材訓農通商惠工敬教勸學
授方任能而有駉牝三千之多然則古之馬政皆本於田
功也吾未見廢有肥馬野有餓孍而能國者也

實始翦商

太王當武丁祖甲之世殷道未衰何從有翦商之事僖公
之世距太王已六百餘年作詩之人特本其王迹所基而
侈言之爾猶泰誓之言命我文考肅將天威也猶康誥之
言天乃大命文王殪戎殷也亦後人追言之也張子曰一

日之間天命未絕猶是君臣

徐璠曰習鑿齒曰昔周人詠

棟曰爾雅勤勞也詩言太王自邠遷岐始能光復祖宗修

朝貢之職勤勞王事也按習氏之義証以雅訓及惠氏

之解則知文王三分有二猶合六州之獸奉勤于商當太

王之初基值殷宗之維軌雖天佑岐周亦不得遽云翦斷

矣彼成王時有數訓爾雅釋詁勤也釋言齊也見左傳杜

注者則削也盡也毛傳于甘棠訓去于闕宮訓齊鄭訓斷

惟勤義小異而郭氏無注木朝邵氏正義以為踐之通

引踐修舊好不足以踐禮為訓亦牽強其餘諸訓雖小有

輕重大意則同詩書追原受命之本每有溢辭此亦靡有

子遺之類不必深求也徒以朱子據以注論語為太王因

丁

聖三

三

注

論語為太王因

丁

丁

聖三

有窮商之志未免以詞害意又實之以尚道寢
其周日強大又似未審時勢遂致諸家紛紜耳

元鳥

讀經傳之文終商之世無言祥瑞者而大戊之祥桑高宗
之雉雉惕於天之見妖而修德者有二焉則知監於夏王
之矯誣上天而慄慄危懼蓋湯之家法也簡狄吞卵而生
契不亦矯誣之甚乎毛氏傳曰元鳥皐鳥也春分元鳥降
湯之先祖有娥氏女簡狄配高辛氏帝帝率與之祈於郊
禱而生契故本其爲天所命以元鳥至而生焉可以破史
遷之謬矣楊氏曰簡狄吞卵非獨子長之說其來舊矣要毛公之說不可易

敷奏其勇

敷奏其勇不震不動不難不踈苟非大受之人驟而當天

下之重任鮮不恐懼而失其守者此公孫丑所以有動心之問也升陟伐夏創未有之事而不疑可謂天錫之勇矣何以能之其上帝臨女無貳爾心之謂乎

湯武身之也學湯之勇者宜何如震驚百里不喪匕鬯近之矣

魯頌商頌

詩之次序猶春秋之年月夫子因其舊文述而不作也頌者美盛德之形容以告宗廟魯之頌頌其君而已而列之

周頌之後者魯人謂之頌也

源注鄭氏曰襄公時季孫行父請命於周而史克作之然

春秋列國卿大夫賦詩無及此四篇者

世儒謂夫子尊魯而進之爲頌是不

然魯人謂之頌夫子安得不謂之頌乎爲下不倍也春秋

書公書郊禘亦同此義孟子曰其文則史不獨春秋也雖
六經皆然今人以爲聖人作書必有驚世絕俗之見此是
以私心待聖人世人讀書如王介甫纔入貢院而一院之
事皆欲紛更原注宋史此最學者之大病也劉氏曰詩何
著詩春秋之相終始也風者王者之迹所存也王者之迹
熄而采風之使缺詩于是終春秋于是始春秋宗文王詩
之四始莫不本于文王首基之以二南春秋之大一統也
終運之以三頌春秋之通三統也周南終麟趾召南終騶
虞春秋之始元終麟也變風始于邶鄘衛春秋之故宋也
王次之春秋之新周也變雅始于宣王之征伐春秋之內
諸夏而外吳楚也魯頌先乎商頌春秋之寓王也頌以商
爲殿者謂救周之文敝宜乎商頌春秋之寓王也頌以商
以夏繼夏以商三王之文敝宜乎商頌春秋之寓王也頌
義也王者損益因革之道三王五帝不相襲託王者于斯
一質一文當殷之尚忠敬文迭施當夏之教也是春秋之
通義也孔子序書特韞神惜紀三代正稽古列正變明得
失等百王知來者莫不本于春秋卽莫不具于詩故
曰詩書春秋其歸一也此皆刪述之微言大義也

列國之風何以無魯大師陳之固曰魯詩不謂之頌矣孔子魯人也從魯而謂之頌此如魯史之書公也然而泮水之文則固曰魯侯也

商何以在魯之後曰草廬吳氏嘗言之矣大師所職者當代之詩也商則先代之詩故次之周魯之後

原注汲冢周書伊尹朝獻

商書附於王會解之後卽其例也

詩序

詩之世次必不可信今詩亦未必皆孔子所正且如褒姒威之幽王之詩也而次於前召伯營之宣王之詩也而次於後序者不得其說遂并楚茨信南山甫田大田瞻彼洛矣裳裳者華桑扈鴛鴦魚藻采芣十詩皆爲刺幽王之作

恐不然也又如碩人莊姜初歸事也而次於後綠衣日月終風莊姜失位而作燕燕送歸妾作擊鼓國人怨州吁而作也而次於前

原注朱子曰月傳曰此詩當在燕燕之前下篇放此

渭陽秦康公爲

太子時作也而次於後黃鳥穆公薨後事也而次於前此

皆經有明文可據故鄭氏謂十月之交雨無正小旻小宛

皆刺厲王之詩

原注十月之交有豔妻之云自當是幽王

漢興之初師移其第

耳而左氏傳楚莊王之言曰武王作武其卒章曰耆定爾

功其三曰敷時繹思我徂維求定其六曰綏萬邦屢豐年

今詩但以耆定爾功一章爲武而其三爲賚其六爲桓章

次復相隔越儀禮歌召南三篇越草蟲而取采蘋正義以

爲采蘋舊在草蟲之前知今日之詩已失古人之次非夫

子所謂雅頌各得其所者矣嚴太僕曰虞惇按亭林顧氏之說最爲有見三百篇中前
後世次錯迤者甚多如小雅常棣閔管蔡成王時詩也而在采薇出車之前靈臺民始附文王時詩也而在文王大
明之後蓋經秦火簡編殘脫漢儒掇拾補綴厘而存之未必皆孔氏之舊矣至於楚茨信南山八篇及黍苗一篇應
從序陳古刺今之說十月之交四篇考之經文及史傳皆當作刺幽王非刺厲王之詩也

日知錄集釋卷三終